

吳興凌善清選

歷代白話詞選

上海大東書局印行



序

辛酉秋余在中華書局曾選有唐宋人古體及五七絕之白描者各百首出版後重翻一過覺率直淺近都無是處而購者接踵未幾而重版者再是亦初意所未料也客歲入大東書局大東主人復請選輯白話詞因思詞者詩之餘也古人每言四言詩不能達意者則代以五言五言不能達者則代以七言七言不能達始託之於長短句是詞之格律雖嚴而牌調實多若善於倚聲不加詞藻則其類於新體詩之處實較白描之古體及五七絕爲尤近似也爰就歷朝詞人之專集自唐宋迄清選得若干首序以遺之不識世之學者其亦有鹹酸之嗜乎

民國十二年夏五月吳興浚善清序



風行天下



風行天下

歷代白話詞選 目次

□ 唐 詞 □

□ 五代詞 □

菩薩蠻·····	唐昭宗	望江南·····	李後主
清平樂·····	李白	子夜·····	李後主
菩薩蠻·····	李白	虞美人·····	李後主
菩薩蠻·····	李白	憶江南·····	牛 嶠
清平樂·····	李白	滿宮花·····	魏承班
漁父·····	張志和	西江月·····	歐陽炯
宮中調笑·····	王建	木蘭花·····	歐陽炯
宮中調笑·····	王建	菩薩蠻·····	歐陽炯
菩薩蠻·····	溫庭筠	賀明朝·····	歐陽炯

應天長.....韋莊.....慶佳節.....張先

浣溪沙.....孫光憲.....更漏子.....張先

生查子.....孫光憲.....訴衷情.....張先

江城子.....張泌.....菩薩蠻.....張先

羅敷豔歌.....馮延巳.....木蘭花.....張先

三臺令.....馮延巳.....青門引.....張先

木蘭花.....許岷.....滿庭芳.....張先

木蘭花.....許岷.....晝夜樂.....柳永

宋詞

傾杯樂.....柳永

臨江仙.....宋徽宗.....夢還京.....柳永

憶王孫.....范仲淹.....歸朝歡.....柳永

蘇幕遮.....范仲淹.....望漢月.....柳永

滿江紅	柳永	菩薩蠻	王安石
瑞鷓鴣	柳永	漁家傲	王安石
臨江仙	晏幾道	浣溪沙	王安石
蝶戀花	晏幾道	南鄉子	王安石
南鄉子	晏幾道	生查子	王安石
清平樂	晏幾道	謁金門	王安石
木蘭花	晏幾道	醉落魄	蘇軾
菩薩蠻	晏幾道	少年遊	蘇軾
玉樓春	晏幾道	卜算子	蘇軾
浣溪沙	晏幾道	水調歌頭	蘇軾
采桑子	晏幾道	臨江仙	蘇軾
踏莎行	晏幾道	鷓鴣天	蘇軾

漁父.....蘇軾 殢人嬌.....毛滂

又.....蘇軾 虞美人.....毛滂

又.....蘇軾 如夢令.....謝薖

又.....蘇軾 醉落魄.....吳則禮

虞美人.....蘇軾 浣溪沙.....周邦彥

減字木蘭花.....黃庭堅 一落索.....周邦彥

清平樂.....黃庭堅 滿庭芳.....周邦彥

望海潮.....秦觀 點絳脣.....周邦彥

江城子.....秦觀 傷情怨.....周邦彥

如夢令.....秦觀 迎春樂.....周邦彥

桃源憶故人.....秦觀 虞美人.....周邦彥

好事近.....秦觀 鷓鴣天.....賀鑄

鷓鴣天	賀鑄	浣溪沙	陳克
採桑子	賀鑄	謁金門	陳克
憶仙姿	賀鑄	謁金門	陳克
鳳棲梧	賀鑄	菩薩蠻	陳克
琴調相思引	賀鑄	豆葉黃	陳克
浪淘沙	賀鑄	虞美人	陳與義
清平樂	賀鑄	定風波	陳與義
御街行	賀鑄	菩薩蠻	陳與義
減字浣溪沙	賀鑄	臨江仙	陳與義
眼兒媚	賀鑄	蝶戀花	王之道
點絳脣	王灼	玉連環	王之道
生查子	劉一止	桃源憶故人	王之道

又.....王之道 一落索.....朱敦儒

又.....王之道 桃源憶故人.....朱敦儒

長相思.....王之道 西江月.....朱敦儒

長相思.....王之道 西江月.....朱敦儒

滿庭芳.....王之道 減字木蘭花.....朱敦儒

漁家傲.....王之道 減字木蘭花.....朱敦儒

念奴嬌.....朱敦儒 憶秦娥.....朱敦儒

鷓鴣天.....朱敦儒 清平樂.....朱敦儒

驀山溪.....朱敦儒 昭君怨.....朱敦儒

驀山溪.....朱敦儒 雙鷓鴣.....朱敦儒

感皇恩.....朱敦儒 相見歡.....朱敦儒

一落索.....朱敦儒 謁金門.....曹 勳

滿江紅	王質	好事近	趙彥端
鷓鴣天	王質	點絳脣	呂勝己
楊柳枝	王質	卜算子	呂勝己
西江月	李洪	江城子	呂勝己
漁家傲引	洪适	謁金門	呂勝己
秦樓月	韓元吉	滿江紅	京鏗
謁金門	韓元吉	滿江紅	京鏗
菩薩蠻	韓元吉	秦樓月	范成大
春光好	張掄	憶秦娥	楊萬里
阮郎歸	張掄	昭君怨	楊萬里
蝶戀花	張掄	好事近	楊萬里
驀山溪	劉子翬	別素質	王質

減字木蘭花·····趙彥端 水調歌頭·····葛長庚

菩薩蠻·····趙彥端 水調歌頭·····葛長庚

菩薩蠻·····趙彥端 賀新郎·····葛長庚

菩薩蠻·····趙彥端 賀新郎·····葛長庚

御街行·····高觀國 行香子·····葛長庚

卜算子·····高觀國 卜算子·····葛長庚

天仙子·····劉過 蝶戀花·····葛長庚

唐多令·····劉過 水調歌頭·····葛長庚

滿江紅·····沈瀛 如夢令·····李石

水調歌頭·····沈瀛 如夢令·····李石

滿庭芳·····沈瀛 長相思·····李石

蘭陵王·····葛長庚 臨江仙·····李石

漁家傲	李石	踏莎行	辛棄疾
江城子	韓澆	謁金門	辛棄疾
風入松	韓澆	鵲橋仙	辛棄疾
生查子	韓澆	念奴嬌	汪驕
謁金門	韓澆	朝中措	趙善括
謁金門	楊冠卿	念奴嬌	丘崇
憶秦娥	楊冠卿	錦帳春	丘崇
生查子	辛棄疾	點絳脣	丘崇
菩薩蠻	辛棄疾	青玉案	廖行之
南鄉子	辛棄疾	點絳脣	廖行之
唐多令	辛棄疾	昭君怨	張鑑
眼兒媚	辛棄疾	烏夜啼	張鑑

柳梢青……………張鑑 行香子……………汪莘

蝶戀花……………張鑑 長相思……………劉克莊

臨江仙……………張鑑 臨江仙……………劉克莊

漁家傲……………張鑑 卜算子……………劉克莊

浣溪沙……………郭應祥 憶秦娥……………劉克莊

好事近……………郭應祥 滿江紅……………吳潛

好事近……………郭應祥 沁園春……………吳潛

月當窗……………張輯 滿庭芳……………吳潛

生查子……………汪莘 醉江月……………吳潛

菩薩蠻……………汪莘 八聲甘州……………吳潛

桃源憶故人……………汪莘 摸魚兒……………吳潛

行香子……………汪莘 青玉案……………吳潛

踏莎行	吳潛	望江南	吳潛
唐多令	吳潛	望江南	吳潛
謁金門	吳潛	望江南	吳潛
更漏子	吳潛	浪淘沙	吳潛
卜算子	吳潛	小重山	吳潛
霜天曉角	吳潛	昭君怨	吳潛
蝶戀花	吳潛	如夢令	趙崇嶠
蝶戀花	吳潛	菩薩蠻	趙崇嶠
如夢令	吳潛	點絳脣	吳文英
如夢令	吳潛	思佳客	吳文英
如夢令	吳潛	鳳棲梧	吳文英
如夢令	吳潛	唐多令	吳文英

浪淘沙..... 吳文英..... 賀新郎..... 劉學箕

思佳客..... 吳文英..... 陽關三疊..... 柴望

蝶戀花..... 劉學箕..... 滿江紅..... 柴望

惜分飛..... 劉學箕..... 賀新郎..... 柴望

長相思..... 劉學箕..... 念奴嬌..... 陳著

鷓鴣天..... 劉學箕..... 卜算子..... 陳著

菩薩蠻..... 劉學箕..... 青玉案..... 陳著

眼兒媚..... 劉學箕..... 望江南..... 劉辰翁

臨江仙..... 劉學箕..... 攤破浣溪沙..... 劉辰翁

漁家傲..... 劉學箕..... 霜天曉角..... 劉辰翁

烏夜啼..... 劉學箕..... 江城子..... 劉辰翁

虞美人..... 劉學箕..... 菩薩蠻..... 劉辰翁

菩薩蠻	劉辰翁	蝶戀花	馮取洽
憶秦娥	劉辰翁	西江月	馮取洽
憶秦娥	劉辰翁	望江南	陳允平
浣溪沙	劉辰翁	梅花引	蔣捷
減字木蘭花	劉辰翁	最高樓	蔣捷
山花子	劉辰翁	解佩令	蔣捷
臨江仙	劉辰翁	霜天曉角	蔣捷
臨江仙	劉辰翁	清平樂	張炎
醉落魄	江昱賓	清平樂	李彭老
卜算子	汪元量	瀟湘神	黃公紹
憶王孫	汪元量	又	黃公紹
又	汪元量	西江月	陳德武

蝶戀花.....陳德武 聲聲慢.....李清照

清平樂.....陳德武 蝶戀花.....朱淑真

清平樂.....陳德武 生查子.....陸放翁妾

滿江紅.....陳德武 如夢令.....孫道綸

人月圓.....王夢斗 憶秦娥.....孫夫人

菩薩蠻.....魏夫人 碎花箋.....戴石屏妻

點絳脣.....魏夫人 市橋柳.....蜀中妓

菩薩蠻.....李清照 且坐令.....韓玉

怨王孫.....李清照 醉公子.....無名氏

一翦梅.....李清照 **金詞**

武陵春.....李清照 訴衷情.....吳激

浣溪沙.....李清照 江城子.....蔡珪

玉樓春	高士談	臨江仙	元好問
青杏兒	趙秉文	元	詞
行香子	趙元	感皇恩	王惲
感皇恩	王寂	點絳脣	王惲
謁金門	李俊民	烏夜啼	趙文
謁金門	李俊民	蘇幙遮	趙文
又	李俊民	菩薩蠻	劉堦
漁家傲	段克己	菩薩蠻	劉堦
又	段克己	阮郎歸	劉敏中
江城子	元好問	菩薩蠻	劉敏中
臨江仙	元好問	點絳脣	劉敏中
臨江仙	元好問	木蘭花	劉因

菩薩蠻.....劉因 謁金門.....劉誥

清平樂.....劉因 南鄉一翦梅.....虞集

風中柳.....劉因 憶秦娥.....張天雨

西江月.....劉因 念奴嬌.....許有壬

鵲橋仙.....曹伯啓 滿江紅.....許有壬

阮郎歸.....劉將孫 鵲橋仙.....許有壬

浣溪沙.....吳存 鵲橋仙.....許有壬

西江月.....蒲道源 蝶戀花.....許有壬

如夢令.....仇遠 漁家傲.....許有壬

如夢令.....仇遠 太常引.....許有壬

點絳脣.....仇遠 憶秦娥.....許有壬

蝶戀花.....仇遠 憶秦娥.....許有壬

又.....許有壬.....燭影搖紅.....趙雍

如夢令.....許有壬.....行香子.....宋娶

摘紅英.....張翥.....南鄉子.....謝應芳

惜分飛.....張翥.....點絳脣.....謝應芳

朝中措.....張翥.....鵲橋仙.....謝應芳

菩薩蠻.....張翥.....蝶戀花.....凌雲翰

點絳脣.....張翥.....**明詞**

如夢令.....張翥.....小重山.....劉基

憶秦娥.....趙雍.....滿江紅.....劉昂

攤破浣溪沙.....趙雍.....憶秦娥.....劉昂

蝶戀花.....趙雍.....轉應曲.....姚廣孝

南鄉子.....趙雍.....如夢令.....張肯

浪淘沙……………王越 減字木蘭花……………阮大鍼

阮郎歸……………夏鍬 一斛珠……………王坊

烏夜啼……………楊慎 菩薩蠻……………施紹莘

卜算子……………文徵明 憶王孫……………葛一龍

長相思……………李攀龍 虞美人……………韓會駒

漁父詞……………文彭 花非花……………計南陽

謁金門……………邵圭潔 西江月……………程爵

虞美人……………吳邦楨 如夢令……………秦瀚先

如夢令……………王世懋 醉花陰……………邵海芳

如夢令……………陳淳 菩薩蠻……………倪撫

攤破浣溪沙……………陳繼儒 浪淘沙……………劉碧

玉樓春……………李日華 攤破浣溪沙……………項蘭貞

搗練子.....商景蘭 菩薩蠻.....王士正

蝶戀花.....葉紈紈 行香子.....丁澎

蝶戀花.....黃鴻 清平樂.....毛際可

憶秦娥.....王微 賣花聲.....曹貞吉

憶秦娥.....景翩翩 清平樂.....陸世楷

清詞

如夢令.....吳偉業 青玉案.....陸埜

三字令.....李霽 浣溪沙.....劉梁嵩

攤破浣溪沙.....宋琬 釵頭鳳.....吳綺

清平樂.....曹爾堪 蘇幕遮.....高士奇

南歌子.....張淵懿 望江南.....鄒宏志

漁家傲.....張淵懿 采桑子.....性德

賀新郎.....顧貞觀 醉花陰.....仲恆

又.....顧貞觀 山花子.....于天麒

蝶戀花.....沈三曾 轉應曲.....孫琮

點絳脣.....毛奇齡 醉花陰.....徐允哲

一葉落.....朱彝尊 轉應曲.....陳見鋪

憶少年.....朱彝尊 好事近.....龔翔麟

釣船笛.....李符 生查子.....龔翔麟

攤破浣溪沙.....陸次雲 青玉案.....馮瑞

一痕沙.....趙維烈 憶王孫.....狄億

千秋歲.....沈豐垣 江南好.....姚士陞

蘇幕遮.....牛日昫 菩薩蠻.....焦袁熹

小重山.....張戩 小重山.....高式青

蝶戀花	范 纘	浪淘沙	毛 健
相見歡	周稚廉	十六字令	王 策
蘇幕遮	潘雲赤	南鄉子	王 策
蝶戀花	徐昌薇	玉連環影	王 策
如夢令	許 田	天仙子	王 策
烏夜啼	許 田	虞美人	王 策
江城子	戴 錡	臨江仙	王 策
望江南	邵 峴	惜分飛	吳 焯
又	邵 峴	望江南	金肇鑾
又	邵 峴	又	金肇鑾
憶秦娥	程夢星	蝶戀花	鄭 燮
蝶戀花	厲 鶚	浪淘沙	鄭 燮

賀新郎.....鄭 燮.....醉江月.....王文治

賀新郎.....鄭 燮.....清平樂.....儲祕書

菩薩蠻.....鄭 燮.....酷相思.....趙文哲

菩薩蠻.....鄭 燮.....憶蘿月.....吳省欽

謁金門.....馬日璐.....西子妝.....陳 嵇

謁金門.....陳 章.....采桑子.....陶元藻

醜奴兒令.....張四科.....點絳脣.....黃景仁

釣船笛.....吳 嶽.....點絳脣.....黃景仁

城頭月.....蔣士銓.....鵲橋仙.....吳蔚光

漁家傲.....彭光斗.....鵲橋仙.....吳蔚光

鳳棲梧.....吳泰來.....蝶戀花.....吳蔚光

賣花聲.....吳泰來.....卜算子.....余 旻

清平樂	陳逢堯	減字木蘭花	蒿亭居士
清平樂	沈清瑞	憶王孫	侯承恩
玉樓春	余鵬翀	踏莎行	葛宜
清平樂	金翀	蝶戀花	張學雅
一翦梅	俞樾	踏莎行	喻撚
醉花陰	俞樾	虞美人影	沈御月
踏莎行	沈祥龍	南鄉子	徐元端
酷相思	王詠霓	柳梢青	許宜嫻
望海潮	譚嗣同	踏莎行	沈湘雲
一翦梅	周寶	點絳脣	西湖老僧

歷代白話詞選 目次

歷代白話詞選目次終



歷代白話詞選

唐詞

菩薩蠻

唐昭宗

登樓遙望秦宮殿。茫茫只見雙飛燕。渭水一條流。千山與萬丘。遠煙籠碧樹。陌上行人去。何處是英雄。迎儂歸故宮。

清平樂

李白

煙深水闊。音信無由達。惟有碧天雲外月。偏照懸懸離別。盡日感事傷懷。愁眉似鎖難開。夜夜長留半被。待君魂夢歸來。

菩薩蠻

李白

舉頭忽見衡陽雁。千聲萬字情何限。亘耐薄情夫。一行書也無。泣歸香閣恨。

和淚淹紅粉。待雁卻回時。也無書寄伊。

菩薩蠻 李白

平林漠漠煙如織。寒山一帶傷心碧。暝色入高樓。有人樓上愁。玉塔空佇立。宿鳥歸飛急。何處是歸程。長亭更短亭。

清平樂 李白

鸞衾鳳褥。夜夜常孤宿。更被銀臺紅蠟燭。學妾淚珠相續。花貌些子時光。拋人遠泛瀟湘。敲枕悔聽寒漏。聲聲滴斷愁腸。

漁父 張志和

西塞山前白鷺飛。桃花流水鱖魚肥。青箬笠。綠蓑衣。斜風細雨不須歸。

宮中調笑 王建

楊柳楊柳。日暮白沙渡口。船頭江水茫茫。商人少婦斷腸。腸斷。腸斷。鷓鴣夜飛

失伴。

宮中調笑 王建

團扇團扇。美人竝來遮面。玉顏憔悴三年。誰復商量管絃。管絃管絃。管春草。昭陽路斷。

菩薩蠻 溫庭筠

滿宮明月梨花白。故人萬里關山隔。金鴈一雙飛。淚痕沾繡衣。小園芳草綠。家住越溪曲。楊柳色依依。燕歸君不歸。



此書係由... 國家圖書館... 影印... 善本... 宋... 詞... 選... 集... 卷... 第... 一... 冊... 第... 四... 頁...
 此書係由... 國家圖書館... 影印... 善本... 宋... 詞... 選... 集... 卷... 第... 一... 冊... 第... 四... 頁...

歷代白話詞選

五代詞

望江南

李後主

多少恨。昨夜夢魂中。還似舊時游。上苑車如流水。馬如龍。花月正春風。

子夜

李後主

人生愁恨何能免。消魂獨我情何限。故國夢重歸。覺來雙淚垂。高樓誰與上。長記秋晴望。往事已成空。還如一夢中。

虞美人

李後主

春花秋月何時了。往事知多少。小樓昨夜又東風。故國不堪回首。月明中。雕闌玉砌依然在。只是朱顏改。問君能有幾多愁。恰似一江春水向東流。

憶江南 牛嶠

紅繡被。兩兩間鴛鴦。不是鳥中偏愛爾。爲緣交頸睡南塘。全勝薄情郎。

滿宮花 魏承班

寒夜長。更漏永。愁見透簾月影。王孫何處不歸來。應在倡樓酩酊。金鴨無香。羅帳冷。羞更雙鸞交頸。夢中幾度見兒夫。不忍罵伊薄倖。

西江月 歐陽炯

月映長江秋水。分明冷浸星河。淺沙汀上白雲多。雪散幾叢蘆葦。扁舟倒影。寒潭裏。煙光遠罩輕波。笛聲何處響漁歌。兩岸蘋香暗起。

木蘭花 歐陽炯

兒家夫婿心容易。身又不來書不寄。閒庭獨立烏關關。爭忍拋奴深院裏。悶向綠紗窗下睡。睡又不成愁已至。今年卻憶去年春。同在木蘭花下醉。

菩薩蠻

歐陽炯

曉來中酒和春睡。四肢無力雲鬢墜。斜臥臉波春。玉郎休惱人。日高猶未起。爲戀鴛鴦被。鸚鵡語金籠。道兒還是慵。

賀明朝

歐陽炯

憶昔花間初識面。紅袖半遮。妝臉輕轉。石榴裙帶。故將纖纖玉指。偷撚雙鳳金線。碧梧桐鎖深深院。誰料得兩情。何日教繾綣。羨春來雙燕。飛到玉樓。朝暮相見。

應天長

韋莊

別來半歲音書絕。一寸離腸千萬結。難相見。易相別。又是玉樓花似雪。暗相思。無處說。惆悵夜來煙月。想得此時情切。淚沾紅袖斲。

浣溪沙

孫光憲

試問於誰分最多。便隨人意轉橫波。縷金衣上小雙鵝。醉後愛稱嬌姐姐。夜來留得好哥哥。不知情事久長麼。

生查子

孫光憲

密雨阻佳期。盡日顛然坐。簾外正淋漓。不覺愁如鎖。夢難裁。心欲破。淚逐檐聲墮。想得玉人情也。合思量我。

江城子

張泌

窄羅衫子薄羅裙。小腰身。晚妝新。每到花時。長是不宜春。早是自家無氣力。更被你。惡憐人。

羅敷豔歌

馮延巳

馬嘶人語春風岸。芳草緜緜。楊柳橋邊。落日高樓酒旆懸。舊愁新恨知多少。目斷遙天。獨立花前。更聽笙歌滿畫船。

三臺令 馮延巳

明月明月。照得離人愁絕。更深影入空牀。不道帷屏夜長。長夜。長夜。夢到庭花陰下。

木蘭花 許岷

小庭日晚花零落。倚戶無聊妝臉薄。寶箏金鴨任生塵。繡畫工夫全放卻。有時覷著同心結。萬恨千愁無處說。當初不合儘饒伊。贏得如今長恨別。

木蘭花 許岷

江南日暖芭蕉展。美人折得親裁翦。書成小簡寄情人。臨行更把輕輕撚。其中撚破相思字。卻恐郎疑蹤不似。若還猜妾倩人書。誤了平生多少事。

歷代白話詞選

宋詞

臨江仙

宋徽宗

過水穿山前去也。吟詩約句千餘。淮波寒重雨疏疏。煙籠灘上鷺。人買就船魚。古寺幽房權且住。夜深宿在僧居。夢魂驚起轉嗟吁。愁牽心上慮。和淚寫回書。

憶王孫

范仲淹

颼颼風冷荻花秋。明月斜侵獨倚樓。十二珠簾不上鉤。黯凝眸。一點漁燈古渡頭。

蘇幕遮

范仲淹

碧雲天。黃葉地。秋色連波。波上寒煙翠。山映斜陽天接水。芳草無情。更在斜陽外。黯鄉魂。追旅思。夜夜除非。好夢留人睡。明月樓高休獨倚。酒入愁腸。化作相思淚。

慶佳節

張先

芳菲節。芳菲節。天意應不虛設。對酒高歌玉壺闕。慎莫負狂風月。人間萬事何時歇。空贏得鬢成雪。我有閒愁與君說。且莫用輕離別。

更漏子

張先

錦筵紅。羅幕翠。侍宴美人姝麗。十五六。解憐才。勸人深酒杯。黛眉長。檀口小。耳畔向人輕道。柳陰曲。是兒家。門前紅杏花。

訴衷情

張先

花前月下暫相逢。苦恨阻從容。何況酒醒夢斷。花謝月朦朧。花不盡。月無窮。

兩心同。此時願作楊柳千絲。絆惹春風。

菩薩蠻 張先

玉人又是恁恁去。馬蹄何處垂楊路。殘日倚樓時。斷魂郎未知。闌干移倚徧。薄倖教人怨。明月卻多情。隨人處處行。

木蘭花 張先

人意共憐花月滿。花好月圓人又散。歡情去逐遠雲空。往事過如幽夢斷。草樹爭春紅影亂。一唱雞聲千萬怨。任教遲日更添長。能得幾時擡眼看。

青門引 張先

乍暖還輕冷。風雨晚來方定。庭軒寂寞近清明。殘花中酒。又是去年病。樓頭畫角風吹醒。入夜重門靜。那堪更被明月隔牆送。過秋千影。

滿庭芳 張先

紅蓼花繁。黃蘆葉亂。夜深玉露初零。霽天空闊。雲淡楚江清。獨棹孤篷小艇。悠悠
悠過煙渚沙汀。金鉤細。絲綸慢卷。牽動一潭星。時時橫短笛。清風皓月。相與
忘形。任人笑。生涯汎梗飄萍。飲罷不妨醉臥。塵勞事。有耳誰聽。江風靜。日高未
起。枕上酒微醒。

晝夜樂

柳永

秀香家住桃花徑。算神仙。纔堪並。層波細翦。明眸膩玉。圓搓素頸。愛把歌喉當
筵逞。遏天邊。亂雲愁凝。言語似嬌鶯。一聲聲。堪聽。洞房飲散。簾幃靜。擁香衾。
歡心稱。金鑪鬢。裊青煙。鳳帳燭搖紅影。無限狂心。乘酒興。這歡娛。漸入嘉景。猶
自怨鄰雞。道秋宵不永。

傾杯樂

柳永

皓月初圓。暮雲飄散。分明夜色如晴晝。漸消盡。醺醺殘酒。危閣迴涼生。襟袖追

舊事一晌凭闌久。如何媚容豔態。抵死孤歡偶。朝思暮想。自家空恁添清瘦。算到頭誰與伸剖。向道我別來。爲伊牽繫。度歲經年。偷眼覷也不忍覷。花柳可惜恁好景良宵。未曾略展雙眉暫開口。問甚時與你。深憐痛惜還依舊。

夢還京

柳永

夜來恁恁飲散。敲枕背燈睡。酒力全輕。醉魂易醒。風揭簾櫳。夢斷披衣重起。怕無寐。追悔當初。繡閣話別太容易。日許時猶阻歸計。甚況味。旅館虛度殘歲。想嬌媚。那裏獨守鴛幃靜。永漏迢迢。也應暗同此意。

歸朝歡

柳永

別岸扁舟三兩隻。葭葦蕭蕭風淅淅。沙汀宿鴈破煙飛。溪橋殘月和霜白。漸漸分曙色。路遙山遠多行役。往來人。隻輪雙槳。盡是利名客。一望鄉關煙水隔。轉覺歸心生羽翼。愁雲恨雨兩牽縈。新春殘臘相催逼。歲華都瞬息。浪萍風梗

誠何益。歸去來。玉樓深處。有箇人相憶。

望漢月

柳永

明月明月。明月。何事乍圓還缺。恰如年少洞房人。暫歡會。依前離別。小樓凭檻處。正是去年時節。千里清光。又依舊。奈夜永。厭厭人絕。

滿江紅

柳永

萬恨千愁。將年少。衷腸牽繫。殘夢斷。酒醒孤館。夜長無味。可惜許。枕前多少意。到如今。兩總無終始。獨自箇。贏得不成眠。成憔悴。添傷感。將何計。空只恁。厭厭地。無人處。思量幾度。垂淚。不會得。都來些子事。甚恁底。死難拚棄。待到頭終久。問伊著。如何是。

瑞鷓鴣

柳永

吹破殘煙入夜風。一軒明月上簾櫳。因驚路遠人還遠。縱得心同寢未同。情

脈脈。意忡忡。碧雲歸去認無蹤。只應曾向前生裏。愛把鴛鴦兩處籠。

臨江仙

晏幾道

身外閒愁空滿。眼中歡事常稀。明年應賦送君詩。細從今夜數。相會幾多時。
淺酒欲邀誰勸。深情惟有君知。東溪春近好同歸。柳垂江上影。梅謝雪中枝。

蝶戀花

晏幾道

醉別西樓醒不記。春夢秋雲。聚散真容易。斜月半窗還少睡。畫屏閒展吳山翠。
衣上酒痕詩裏字。點點行行。總是淒涼意。紅燭自憐無好計。夜寒空替人垂
淚。

南鄉子

晏幾道

花落未須悲。紅藥明年又滿枝。惟有花間人別後。無期。水闊山長鴈字遲。今
日最相思。記得攀條話別離。共說春來春去事。多時。一點愁心入翠眉。

清平樂

晏幾道

暫來還去。輕似風頭絮。縱得相逢留不住。何況相逢無處。去時約略黃昏。月華卻到朱門。別後幾番明月。素娥應是消魂。

木蘭花

晏幾道

初心已恨花期晚。別後相思長在眼。蘭衾猶有舊時香。每到夢回珠淚滿。多應不信人腸斷。幾夜夜寒誰共暖。欲將恩愛結來生。只恐來生緣又短。

菩薩蠻

晏幾道

江南未雪梅花白。憶梅人是江南客。猶記舊相逢。淡煙微月中。玉容長有信。一笑歸來近。懷遠上樓時。晚雲和鴈低。

玉樓春

晏幾道

雕鞍好爲鶯花住。占取東城南陌路。儘教春思亂如雲。莫管世情輕似絮。古

來多被虛名誤。寧負虛名身莫負。勸君頻入醉鄉來。此是無愁無恨處。

浣溪沙

晏幾道

莫問逢春能幾回。能歌能笑是多才。露花猶有好枝開。綠鬢舊人皆老大。紅
梁新燕又歸來。儘須珍重掌中杯。

采桑子

晏幾道

當時月下分飛處。依舊淒涼。也會思量。不道孤眠夜更長。淚痕搵徧鴛鴦枕。
重繞回廊。月上東窗。長到如今欲斷腸。

踏莎行

晏幾道

雪盡寒輕。月斜煙重。清歡猶記前時共。迎風朱戶背燈開。拂檐花影侵簾動。
繡枕雙鴛。香苞翠鳳。從來往事都如夢。傷心最是醉歸時。眼前少箇人人送。

菩薩蠻

王安石

數家茅屋閒臨水。輕衫短帽垂楊裏。花是去年紅。吹開一夜風。梢梢新月偃。午醉醒來晚。何許最關情。黃鸝三兩聲。

漁家傲 王安石

平岸小橋千嶂抱。柔藍一水縈花草。茅屋數間窗窈窕。塵不到。時時自有春風掃。午枕覺來聞語鳥。敲眠似聽朝雞早。忽憶故人今總老。貪夢好。茫然忘卻邯鄲道。

浣溪沙 王安石

百畝庭中半是苔。門前古道水縈回。愛閒能有幾人來。小院迴廊春寂寂。山桃溪杏兩三栽。爲誰零落爲誰開。

南鄉子 王安石

自古帝王州。鬱鬱蔥蔥佳氣浮。四百年來如一夢。堪愁。晉代衣冠成古丘。繞

水恣行游。上盡層城更上樓。往事悠悠君莫問。回頭檻外長江空自流。

生查子

王安石

雨打江南樹。一夜花開無數。綠葉漸成陰。下有游人歸路。與君相逢處。不道春將暮。把酒祝東風。且莫恁怱怱去。

謁金門

王安石

春又老。南陌酒香梅小。徧地落花渾不掃。夢回情意悄。紅牋寄與煩惱。細寫相思多少。醉後幾行書字小。淚痕都搵了。

醉落魄

離京口作

蘇軾

輕雲微月。二更酒醒船初發。孤城回望蒼煙合。記得歌時。不記歸時節。巾偏扇墜藤牀滑。覺來幽夢無人說。此生飄蕩何時歇。家在西南。常作東南別。

少年遊

潤州作代人寄遠

蘇軾

去年相送。餘杭門外。飛雪似楊花。今年春盡。楊花似雪。猶不見還家。對酒捲簾邀明月。風露透窗紗。恰似姮娥憐雙燕。分明照。畫梁斜。

卜算子 蘇軾

蜀客到江南。長憶吳山好。吳蜀風流自古同。歸去應須早。還與去年人。共藉西湖草。莫惜尊前子細看。應是容顏老。

水調歌頭

丙辰中秋歡飲達旦大醉作此篇兼懷子由

蘇軾

明月幾時有。把酒問青天。不知天上宮闕。今夕是何年。我欲乘風歸去。惟恐瓊樓玉宇。高處不勝寒。起舞弄清影。何似在人間。轉朱閣。低綺戶。照無眠。不應有恨。何事長向別時圓。人有悲歡離合。月有陰晴圓缺。此事古難全。但願人長久。千里共嬋娟。

臨江仙 蘇軾

夜飲東坡醒復醉。歸來髣髴三更。家童鼻息已雷鳴。敲門都不應。倚杖聽江聲。長恨此身非我有。何時忘卻營營。夜闌風靜縠紋平。小舟從此逝。江海寄餘生。

鷓鴣天

蘇軾

林斷山明竹隱牆。亂蟬衰草小池塘。翻空白鳥時時見。照水紅蕖細細香。村舍外。古城旁。杖藜徐步轉斜陽。殷勤昨夜三更雨。又得浮生一日涼。

漁父

蘇軾

漁父飲。誰家去。魚蟹一時分付。酒無多少醉爲期。彼此不論錢數。

又

漁父醉。蓑衣舞。醉裏卻尋歸路。輕舟短棹任橫斜。醒後不知何處。

又

漁父醒。春江午。夢斷落花飛絮。酒醒還醉。醉還醒。一笑人間今古。

又

漁父笑。輕鷗舉。漠漠一江風雨。江邊騎馬。是官人。借我孤舟南渡。

虞美人

蘇軾

持杯遙勸天邊月。願月圓無缺。持杯更復勸花枝。且願花枝長在莫離披。持杯月下花前醉。休問榮枯事。此歡能有幾人知。對酒逢花不飲待何時。

減字木蘭花

黃庭堅

中秋無雨。醉送月。銜西嶺去。笑口須開。幾度中秋見月來。前年江外兒女傳杯。兄弟會。此夜登樓。小謝清吟慰白頭。

清平樂

黃庭堅

春歸何處。寂寞無行路。若有人知春去處。喚取歸來同住。春無蹤迹。誰知除

非問取黃鸝百轉。無人能解。因風飛過薔薇。

望海潮

秦觀

奴如飛絮。郎如流水。相沾便肯相隨。微月戶庭。殘燈簾幕。恁恁共惜佳期。纔話暫分攜。早抱人嬌咽。雙淚紅垂。畫舸難停。翠幃輕別兩依依。別來怎表相思。有分香帕子。合數松兒。紅粉脛痕。青牋嫩約。丁寧莫遣人知。成病也因誰。更自言秋杪。親去無疑。但恐生時。注著合有分于飛。

江城子

秦觀

南來飛燕北歸鴻。偶相逢。慘愁容。綠鬢朱顏。重見兩衰翁。別後悠悠君莫問。無限事。不言中。小槽春酒滴珠紅。莫怱怱。滿金鍾。飲散落花流水各西東。後會不知何處是。煙浪遠。暮雲重。

如夢令

秦觀

池上春歸何處。滿目落花飛絮。孤館悄無人。夢斷月堤歸路。無緒。無緒。簾外五更風雨。

桃源憶故人 秦觀

玉樓深鎖多情種。清夜悠悠誰共。羞見枕衾鴛鳳。悶卽和衣擁。無端畫角嚴城動。驚破一番新夢。窗外月華霜重。聽徹梅花弄。

好事近 秦觀

春路雨添花。花動一山春色。行到小溪深處。有黃鸝千百。飛雲當面化龍蛇。天矯轉空碧。醉臥古藤陰下。了不知南北。

殢人嬌 毛滂

雪做屏風。花爲行帳。屏帳裏見春模樣。小晴未了。輕陰一晌。酒到處恰如把春拈上。官柳黃輕。河隄綠漲。花多處少停蘭槳。雪邊花際。平蕪疊嶂。者一段淒

涼。爲誰悵望。

虞美人

東園賞春見柳日照杏花甚可愛

毛滂

游人莫笑東園小。莫問花多少。一枝半朵惱人腸。無限娉娉媚媚倚斜陽。二分春去知何處。賴是無風雨。更將繡幕密遮花。任是東風急性不由他。

如夢令

謝薊

人似已圓孤月。心似丁香百結。不見謫仙人。孤負梅花時節。愁絕。愁絕。江上落英如雪。

醉落魄

梅花

吳則禮

梅花似雪。賞花記得同歡悅。更闌猶自貪攀折。不怯春寒。須要待明月。如今月上花爭發。疏枝冷蕊對離缺。人心只道花爭別。不道人心。不似舊時節。

浣溪沙

周邦彥

樓上晴天碧四垂。樓前芳草接天涯。勸君莫上最高梯。新筍已成堂下竹。落花都上燕巢泥。忍聽林表杜鵑啼。

一落索

周邦彥

眉共春山爭秀。可憐長皺。莫將清淚溼花枝。恐花也如人瘦。清潤玉簫閒久。知音稀有。欲知日日倚欄愁。但問取亭前柳。

滿庭芳

周邦彥

風老鶯雛。雨肥梅子。午陰嘉樹清圓。地卑山近。衣潤費爐煙。人靜鳥鳶自樂。小橋外新綠濺濺。凭欄久。黃蘆苦竹。擬泛九江船。年年如社燕。飄流瀚海。來寄修椽。且莫思身外。長近尊前。憔悴江南倦客。不堪聽急管繁絃。歌筵畔先安簾枕。容我醉時眠。

點絳脣

周邦彥

孤館迢迢。暮天草露霑衣潤。夜來秋近。月暈通風信。今日原頭。黃葉飛成陣。知人悶。故來相趁。共結臨歧恨。

傷情怨

周邦彥

枝頭風勢漸小。看暮鴉飛了。又是黃昏。閉門收返照。江南人去路渺。信未通。愁已先到。怕見孤燈。霜寒催睡早。

迎春樂

周邦彥

人人花豔明春柳。憶筵上、偷攜手。趁歌停舞罷來相就。醒醒箇無些酒。比日香囊新刺繡。連隔坐、一時薰透。爲甚月中歸。長是他隨車後。

虞美人

周邦彥

燈前欲去仍留戀。腸斷朱扉遠。未須紅雨洗香顚。待得薔薇花謝便歸來。舞腰歌板閒時按。一任旁人看。金爐應見舊殘煤。莫使恩情容易似寒灰。

鷓鴣天 半死桐 賀鑄

重過閨門萬事非。同來何事不同歸。梧桐半死清霜後。頭白鴛鴦失伴飛。原
上草。露初晞。舊棲新壠兩依依。空牀臥聽南窗雨。誰復挑燈夜補衣。

鷓鴣天 第一花 賀鑄

豆蔻梢頭莫漫誇。春風十里舊繁華。金樓玉蕊皆殊豔。別有傾城第一花。青
雀舫。紫雲車。暗期歸路指煙霞。無端卻似堂前燕。飛入尋常百姓家。

採桑子 羅敷歌 賀鑄

高樓簾捲秋風裏。目送斜陽。衾枕遺香。今夜還如昨夜長。玉人望月銷凝處。
應在西廂。半掩蘭堂。惟有紗燈伴繡牀。

憶仙姿 賀鑄

日日春風樓上。不見石城雙槳。鴛枕夢回時。燭淚屏山相向。流蕩。流蕩。門外白

蘋溪漲。

鳳棲梧

賀鑄

挑菜踏青都過卻。楊柳風輕。擺動秋千索。啼鳥自驚花自落。有人同在真珠箔。
淡淨衣裳妝得薄。閒凭銀箏。睡鬢慵梳掠。試問爲誰添瘦弱。嬌羞只把眉顰著。

琴調相思引

送范殿監赴黃岡

賀鑄

終日懷歸翻送客。春風祖席南城陌。便莫惜離觴頻捲白。動管色。催行色。動管色。催行色。何處投鞍風雨夕。臨水驛。空山驛。臨水驛。空山驛。縱明月相思千里隔。夢咫尺。勤書尺。夢咫尺。勤書尺。

浪淘沙

賀鑄

雨過碧雲秋。煙草汀洲。遠山相對一眉愁。可惜芳年橋畔柳。不繫蘭舟。爲問

木蘭舟。何處淹留。相思今夜忍登樓。樓下誰家歌水調。明月揚州。

清平樂 賀鑄

厭厭別酒。更執纖纖手。指似歸期庭下柳。一葉西風前後。無端不繫孤舟。載將多少離愁。又是十分明月。照人兩處登樓。

御街行 賀鑄

松門石路秋風掃。似不許飛塵到。雙攜纖手別煙蘿。紅粉清泉相照。幾聲歌管。正須陶寫。翻作傷心調。巖陰暝色歸雲悄。恨易失千金笑。更逢何物可忘憂。爲謝江南芳草。斷橋孤驛。冷雲黃葉。想見長安道。

減字浣溪沙 賀鑄

鼓動城頭啼暮鴉。過雲時送雨些些。嫩涼如水透窗紗。弄影西廂侵戶月。分香東畔拂牆花。此時相望抵天涯。

眼兒媚 賀鑄

蕭蕭江上荻花秋。做弄許多愁。半竿落日，兩行新雁，一葉扁舟。
惜分長怕郎先去。直待醉時休。今宵眼底，明朝心上，後日眉頭。

點絳脣 賦登樓 王灼

休惜餘春。試來把酒留春住。問春無語。簾捲西山雨。
一掬愁心強欲登。高賦。山無數。煙波無數。不放春歸去。

生查子 劉一止

城頭長短更。水調高低唱。別酒不盈斟。淚灑風煙上。
明年二月時。更向城陰望。只有舊歌辭。傳作風流樣。

浣溪沙 陳克

窗紙幽幽不肯明。寒更忍作斷腸聲。背人殘燭卻多情。
合下心期惟有夢。如

今魂夢也無憑。幾行閒淚莫縱橫。

謁金門 陳克

花滿院。飛去飛來雙燕。紅雨入簾寒不捲。曉屏山六扇。翠袖玉笙悽斷。脈脈兩蛾愁淺。消息不知郎近遠。一春長夢見。

謁金門 陳克

愁脈脈。目斷江南江北。煙樹重重芳信隔。小樓山幾尺。細草孤雲斜日。一向弄晴天色。簾外落花飛不得。東風無氣力。

菩薩蠻 陳克

池塘淡淡浮鷓鴣。杏花吹盡垂楊碧。天氣度清明。小園新雨晴。綠窗描繡罷。笑語醪醕下。圍坐賭青梅。困從雙臉來。

豆葉黃 陳克

鞦韆人散小庭空。麝冷燈昏愁殺儂。獨有閒階兩袖風。月朦朧。一樹梨花細雨。中。

虞美人 亭下桃花盛開作長短句詠之 陳與義

十年花底承朝露。看到江南樹。洛陽城裏又東風。未必桃花得似舊時紅。燕
脂睡起春纔好。應恨人空老。心情雖在只吟詩。白髮劉郎孤負可憐枝。

定風波 重陽 陳與義

九日登高有故常。隨時隨雨一傳觴。多病題詩無好句。孤負。黃花今日十分黃。
記得眉山文翰老。曾道。四時佳節是重陽。江海滿前懷古意。誰會。闌干三撫
獨淒涼。

菩薩蠻 荷花 陳與義

南軒面對芙蓉浦。宜風宜月還宜雨。紅少綠多時。簾前光景奇。
繩牀烏木几。

盡日繁香裏。睡起一篇新。與花爲主人。

臨江仙 夜登小閣憶洛中舊遊 陳與義

憶昔午橋橋上飲。坐中多是豪英。長溝流月去無聲。杏花疏影裏。吹笛到天明。
二十餘年如一夢。此身雖在堪驚。閒登小閣看新晴。古今多少事。漁唱起三更。

蝶戀花 和張文伯魏園行春 王之道

春入花梢紅欲半。水外綠楊。掩映笙歌院。霽日遲遲風扇暖。天光上下青浮岸。
歸去畫樓煙暝晚。步拾梅英。點綴宮妝面。美日碧長眉翠淺。消魂正值回頭看。

玉連環 題載安僧舍 王之道

流水細通何處。柳溪新雨。清風十里送籃輿。行不盡山無數。一簇樓臺空堵。

老僧常住。懸知俗客不曾來。門外蒼苔如許。

桃源憶故人

追和東坡韻呈曾倅子脩三首

王之道

逢人借問春歸處。遙指蕪城煙樹。滴盡柳梢殘雨。月闌西南戶。游絲不解留伊住。漫惹閒愁無數。燕子爲誰來去。似說江頭路。

又

不知春色歸何處。但見茂林芳樹。庭巷落花如雨。鬪亂穿窗戶。晚行溪上東風住。荷點青錢無數。蛺蝶飛來還去。錯認花間路。

又

南園最是花多處。門掩綠楊千樹。別後幾番風雨。碧蘚侵苔戶。儂家舊在郊西住。門外遠山無數。誰道不如歸去。咫尺長安路。

長相思

王之道

花一枝。酒一卮。舉酒對花君莫辭。人生多別離。
行相思。坐相思。更有何人得似伊。春融胡蝶飛。

長相思 王之道

風霏霏。雨淒淒。風雨夜寒人別離。夢回還自疑。
蛩聲悲。漏聲遲。一點青燈明更微。照人雙淚垂。

滿庭芳 和王沖之西城郊行 王之道

麥野青深。桃谿紅暗。浪游何處芳園。清明初過。門巷靄晴煙。柳外池塘綠徧。溪
流細。終日濺濺。東風軟。誰家兒女。牆裏送秋千。花前從醉倒。吾當盡量。君盍
忘年。縱杯盤草草。隨分開筵。自有高談雄辯。何須問急管繁絃。身長健。少陵如
在。應賦飲中仙。

漁家傲 王之道

歲月漂流人易老。東郊又報春來到。梅鬢柳眉還鬪好。君信道。衰顏得酒重年少。對酒邀賓同燕笑。莫教虛過芳菲了。欵唾珠璣誇筆妙。人窈窕。新聲傾坐漁家傲。

念奴嬌

朱敦儒

老來可喜。是歷徧人間。諳知物外。看透虛空。將恨海愁山。一時按碎。免被花迷。不爲酒困。到處惺惺地。飽來覓睡。睡起逢場作戲。休說古往今來。乃翁心裏。沒許多般事。也不蘄仙。不佞佛。不學栖栖孔子。懶共賢爭。從教他笑。如此只如此。雜劇打了。戲衫脫與猷底。

鷓鴣天

朱敦儒

曾爲梅花醉不歸。佳人挽袖乞新詞。輕紅徧寫鴛鴦帶。濃碧爭斟翡翠卮。人
已老。事皆非。花前不飲淚沾衣。如今但欲關門睡。一任梅花作雪飛。

驀山溪

朱敦儒

鄰家相喚酒熟閒相過竹徑引籃輿會鄉老吾曹幾箇沈家姊妹也是可憐人
回巧笑發清歌相間花間坐高談闊論無可無不可幸遇太平年好時節清
明初破浮生春夢難得是歡娛休要勸不須辭醉便花間臥

驀山溪

朱敦儒

夜來雨過桃李將開徧策杖引兒童也學人隨鶯趁燕青天許大多少好風光
一歲去一春來只恁空撩亂西池瓊苑遊賞人何限玉勒擁朱輪各騁些新
歡舊怨都齊醉也說甚是和非我笑他他不覺花落春風晚

感皇恩

朱敦儒

一箇小園兒兩三畝地花竹隨宜旋裝綴槿籬茅舍便有山家風味等閒池上
飲林間醉都爲自家胸中無事風景爭來趁遊戲稱心如意賸活人間幾歲

洞天誰道在塵寰外。

一落索 朱敦儒

一夜雨聲連曉。青燈相照。舊時情緒此時心。花不見。人空老。可惜春光閒了。陰多晴少。江南江北水連雲。問何處。尋芳草。

一落索 朱敦儒

慣被好花留住。蝶飛鶯語。少年場上醉鄉中。容易放。春歸去。今日江南春暮。朱顏何處。莫將愁緒比飛花。花有數。愁無數。

桃源憶故人 朱敦儒

西樓幾日無人到。依舊紅圍綠繞。樓下落花誰掃。不見長安道。碧雲望斷無音耗。倚徧闌干殘照。試問淚彈多少。溼徧樓前草。

西江月 朱敦儒

世事短如春夢。人情薄似秋雲。不須計較苦勞心。萬事原來有命。幸遇三杯酒好。況逢一朵花新。片時歡笑且相親。明日陰晴未定。

西江月

朱敦儒

日日深杯酒滿。朝朝小圃花開。自歌自舞自開懷。且喜無拘無礙。青史幾番春夢。黃泉多少奇才。不須計較與安排。領取而今現在。

減字木蘭花

朱敦儒

問人行李。羽扇芒屨。塵世外。一疊溪山也解分。風送客帆。時平易醉。無復驚心并濺淚。長揖忘言。回櫂桃花。插滿船。

減字木蘭花

朱敦儒

無人請我。我自鋪氍毹。松下坐。酌酒裁詩。調弄梅花作侍兒。心歡易醉。明月飛來花下睡。醉舞誰知。花滿紗巾。月滿杯。

憶秦娥

朱敦儒

霜風急。江南路上梅花白。梅花白。寒溪殘月。冷村深雪。洛陽醉裏曾同摘。水西竹外常相憶。常相憶。寶釵雙鳳。鬢邊春色。

清平樂

朱敦儒

亂紅深翠。樓閣春風外。胡蝶成團飛照水。睡鴨無人驚起。身閒更覺身輕。酒壺歌扇隨行。芳草綠楊堤畔。一聲初聽啼鶯。

昭君怨

悼亡

朱敦儒

隴月黃昏。亭榭池上秋千初架。燕子說春寒。杏花殘。淚斷愁腸難斷。往事總成幽怨。幽怨幾時休。淚還流。

雙鷓鴣

朱敦儒

拂破秋江煙碧。一對雙飛鷓鴣。應是遠來無力。捎下相偎沙磧。小艇誰吹橫

笛驚起不知消息。悔不當時描得。如今何處尋覓。

相見歡 朱敦儒

秋風又到人間。葉珊珊。四望煙波無盡。欠青山。浮生事。長江水。幾時閒。幸是古來如此。且開顏。

謁金門 曹勛

春待去。簾外連天飛絮。老大心情慵縱步。草迷地上路。春去不知何處。欲問誰能分付。但有清陰遮院宇。晚鶯和暮雨。

驀山溪 劉子翬

浮煙冷雨。今日還重九。秋去又秋來。但黃花年年如舊。平臺戲馬。無處問英雄。茅舍底。竹籬東。佇立時搔首。客來何有。草草三杯酒。一醉萬緣空。莫貪伊金印如斗。病翁老矣。誰共賦歸來。芟壠麥。網溪魚。未落他人後。

蝶戀花

張掄

前日海棠猶未破。點點胭脂。染就真珠顆。今日重來花下坐。亂鋪宮錦春無那。
賸摘繁枝簪幾朵。痛惜深憐。只恐芳菲過。醉倒何妨花底臥。不須紅袖來扶我。

阮郎歸

張掄

寒來暑往幾時休。光陰逐水流。浮雲身世兩悠悠。何勞身外求。天上月。水邊樓。須將一醉酬。陶然無喜亦無憂。人生且自由。

春光好

張掄

煙澹澹。雨濛濛。水溶溶。帖水落花飛不起。小橋東。翩翩怨蝶愁蜂。繞芳叢。戀餘紅。不恨無情橋下水。恨東風。

菩薩蠻

夜宿余家樓聞笛聲

韓元吉

薄雲卷雨涼成陣。雨晴陡覺荷香潤。波影澹寒星。水邊燈火明。白蘋洲上路。幾度來還去。敲枕恨茫茫。笛聲依夜長。

謁金門 春雪 韓元吉

春尙淺。誰把玉英裁翦。儘道梅梢開未徧。卷簾花滿院。樓上酒融歌暖。樓下水平煙遠。卻似湧金門外見。絮飛波影亂。

秦樓月 次韻陳子象 韓元吉

鶯聲寂。春風欲去難蹤迹。難蹤迹。幾枝紅藥。黃金消得。青銅鏡裏朱闌側。照人也似傾城色。傾城色。一樽莫負。賞心良夕。

漁家傲引 洪适

九月蘆香霜旦旦。丹楓落盡吳江岸。長瀨黃昏張蟹斷。燈火亂。圓沙驚起行行雁。半夜繫船橋北岸。三杯睡著無人喚。睡覺只疑橋不見。風已變。纜繩吹斷。

船頭轉。

西江月 送客石邑亭 李洪

渺渺長汀遠壑。蕭蕭雨葉風枝。幾回臨水送將歸。客裏暗添憔悴。門枕數峰
滴翠。舟橫幾度漣漪。綠秧深處鷺于飛。愈覺田園有味。

楊柳枝 淡月 王質

慣得嬌雲趕不開。去還來。淡光無可照樓臺。且停杯。薄雨疏疏時幾點。灑浮
埃。賣花未上擔兒擡。聽他催。

鷓鴣天 詠漁父 王質

一隻船兒任意飛。眼前不管是和非。魚兒得了渾閒事。未得魚兒未肯歸。全
似癩。又如癡。這些快活有誰知。華堂只見燈花好。不見波平月上時。

滿江紅 春日 王質

慘淡。輕陰都養就。朱朱白白。最好是梨花帶雨。海棠映日。暖霧烘成芳草色。嬌風分與垂楊力。聽紅邊翠杪。轉清圓。曾相識。春緒亂。還如織。春夢斷。還堪覓。看青梅下有。風人嘖嘖。愛酒正香。須滿泛。憐花太嫩。休輕摘。把領巾收聚。衆香濃。憑風立。

別素質

請浙江僧嗣宗住菴

王質

一箇茅庵。三間七架。兩畔更添兩廈。倒坐雙亭。平分扶闌兩下。門前數十丘。粃。粃。陸外更百十株桑柘。一溪活水長流。餘波及蔬畦菜把。便是招提與蘭若。時鈔疏鄉園。看經村社。隨分斗米相酬。鑲錢相謝。便闕少亦堪借借。常收些筍乾蕨鮓。好年歲更無兵無火。快活殺也。

好事近

七月十二日夜登萬花川谷望月作

楊萬里

月未到誠齋。先到萬花川谷。不是誠齋無月。隔一林修竹。如今纔是十三夜。

月色已如玉。未是秋光奇絕。看十五十六。

昭君怨

晚飲誠齋忽有一鷗來泊松上已而復去感而賦之

楊萬里

偶聽松梢撲鹿。知是沙鷗來宿。稚子莫喧譁。恐驚他。俄頃忽然飛去。飛去不知何處。我已乞歸休。報沙鷗。

憶秦娥

初春 楊萬里

新春早。春前十日春歸了。春歸了。落梅如雪。野桃紅小。老夫不管春催老。只圖爛醉花前倒。花前倒。兒扶歸去。醒來窗曉。

秦樓月

范成大

窗紗薄。日穿紅幔。催梳掠。新晴天氣。畫檐聞鵲。海棠逗曉都開卻。小雲先在闌干角。闌干角。楊花滿地。夜來風惡。

滿江紅

中秋前同二使者賞月

京鏗

乘興西來。問誰是平生相識。算惟有瑤臺明月。照人如昔。萬里清涼銀世界。放教千丈冰輪出。便招邀我輩上層樓。橫孤笛。陰晴事。人難必。歡樂處。天常惜。幸星稀河澹。雲收風息。更著兩賢陪勝賞。此身如與塵寰隔。笑謫仙對影足成三。空孤寂。

滿江紅

中秋邀茶漕二使不見月 京 鏜

喜見中秋。急載酒登樓邀月。誰料得狂風作祟。浮雲爲孽。孤負闌干凝望眼。不教寶鑑懸銀闕。但筵前依舊舞腰斜。歌喉咽。陰與霽。圓并缺。難指準。休分別。況賞心樂事。從來磨折。常把一尊陪笑語。也勝虛度佳時節。怪坡仙底事太愁生。驚華髮。

謁金門

呂勝己

嗟久客。又見他鄉寒食。流水斷橋春寂寂。孤村煙火息。白去紅飛無迹。千樹

總成新碧。醉裏傷春愁似織。東風欺酒力。

江城子

呂勝己

一鉤新月下庭西。繡簾低。漏聲遲。小宴幽歡，依約似當時。嬌盼注人都不語，眉黛蹙，鬢雲敝。街槐陰下玉驄嘶。苦相催。醉中歸。可惜明朝，秋色滿東籬。祇恐又成輕別也。情脈脈，恨悽悽。

卜算子

呂勝己

人事幾時窮。我性偏宜靜。世上誰無富貴心。到了須由命。閒裏且偷安。醉後休教醒。醉裏高歌妙入神。妙處君須聽。

點絳脣

呂勝己

一葉扁舟。浮家來向江邊住。者回歸去。作箇漁樵侶。不挂征帆也。莫搖雙鱗。天涯路。雲山煙渚。總是留人處。

好事近 盧簽判席上 趙彥端

草草復怱怱。相見也還相憶。記取夢魂詩思。似水光山色。清音堂下一扁舟。誰主又誰客。休厭一杯相勸。看梅梢將白。

減字木蘭花 趙彥端

一年歌舞。還是花黃尊綠處。雨橫風多。比似年時恨若何。簾深酒暖。細雨斜風。渾不管。只有黃花。欲近佳人鬢畔鴉。

菩薩蠻 趙彥端

扁舟又向蕭灘去。危檣卻繫江頭樹。風送雨聲來。涼生真快哉。電光雲際掣。白浪天相接。不用怯風波。風波平地多。

菩薩蠻 用三謝詩故人心尚遠故人不見之句 趙彥端

故人心尚如天遠。故心人更何由見。腸斷楚江頭。淚和江水流。江流空滾滾。

淚盡情無盡。不怨薄情人。人情逐處新。

菩薩蠻 永州故人亭 趙彥端

故人話別情難已。故人此別何時會。江上駐危亭。離懷牽故情。悠悠東逝水。簇簇漁村市。應記合江濱。瀟湘別故人。

御街行 賦轎 高觀國

藤筠巧織花紋細。稱穩步如流水。踏青陌上雨初晴。嫌怕溼文鴛雙履。要人送上。逢花須住。纔過處。香風起。裙兒挂在簾兒底。更不把窗兒閉。紅紅白白簇花枝。恰稱得尋春芳意。歸來時晚。紗籠引道。扶下人微醉。

卜算子 泛西湖坐閒寅齋同賦 高觀國

屈指數春來。彈指驚春去。簷外蛛絲網落花。也要留春住。幾日喜春晴。幾夜愁春雨。十二雕窗六曲屏。題徧傷春句。

憶天仙子

初赴省別妾於三十里頭 劉過

別酒醺醺。渾易醉。回過頭來三十里。馬兒不住去如飛。牽一憩。坐一憩。斷送煞人山與水。是則是功名終可喜。不道恩情拌得未。雲迷村店酒旗斜。去也是。住也是。煩惱自家煩惱你。

唐多令 劉過

安遠樓小集。侑觴歌板之姬黃其姓者。乞詞於龍洲道人爲賦。此唐多令同柳阜之劉去非

石民瞻周嘉仲陳孟參孟容時八月五日也

蘆葉滿汀洲。寒沙帶淺流。二十年重過南樓。柳下繫船猶未穩。能幾日。又中秋。黃鶴斷磯頭。故人曾到不。舊江山。渾是新愁。欲買桂花同載酒。終不似。少年遊。

滿江紅 沈源

半世飄蓬。今何幸得還鄉曲。卻還似重來燕子。認巢新屋。好是秋晴風日美。飯
香雲子炊如玉。念蟹螯滿把欲黃時。筍新綠。仍更有。初開菊。何妨更。重添竹。
與此君相對。且無榮辱。待得吾廬三徑就。此生素願都齊足。任三竿紅日上檐
梢。眠方熟。

水調歌頭

沈瀛

門外可羅雀。長者肯來尋。留君且住。聽我一曲楚狂吟。枉了閒煩惱。莫管閒
非閒。是說甚古和今。但看鏡中影。雙鬢已星星。人生世。多聚散。似浮萍。適然
相會。須索有酒且同傾。說到人情真處。引入無何境界。惟酒是知音。況有好風
月。相對且頻斟。

滿庭芳

沈瀛

柳外山光。林間塔影。一溪橫瀉清流。四圍洲渚。綠葉潑如油。荷蓋亭亭照水。紅

蓼岸蘆荻蕭颯。乘閒興。溪雲亭畔。終日看蓮遊。修篁栽欲徧。青松相映。兩兩成丘。種桃杏。隨時亦弄春柔。此是先生活計。高臥處。無喜無憂。門前事。人來問我。回首只搖頭。

蘭陵王

葛長庚

桃花瘦。寒食清明前後。新燕子。禁得餘寒。風雨把人苦儻懣。梅粒今如豆。減卻春光多少。空自有。滿樹山茶。似語如愁臥晴晝。幽人展襟袖。惜鶯花未老。江山如舊。杜鵑聲裏。同攜手。歎陌上芳草。堤邊垂柳。一春十病九因酒。愁來獨搔首。豆蔻枝頭小。應可惜年華。孤負時候。九十韶光那得久。問芍藥。覓醉牡丹。索笑。三萬六千。能幾度。君知否。

水調歌頭

葛長庚

喫了幾辛苦。學得這些兒。蓬頭赤脚。街頭巷尾打無爲。都沒蓑衣笠子。多少風

煙雨雪。便是活阿鼻。一具骷髏骨。忍盡萬千飢。頭不梳。面不洗。且憨癡。自家屋裏。黃金滿地。有誰知。這裏一聲慚愧。那裏一聲調數。滿面笑嘻嘻。白鶴青雲上。記取者般時。

水調歌頭 葛長庚

有一修行法。不用問師傳。教君只是。飢來喫飯。困來眠。何必移精運氣。也莫行功打坐。但去淨心田。終日無思慮。便是活神仙。不憨癡。不狡詐。不風顛。隨緣飲啄。算來命也付之天。萬事不由計較。造物主張得好。凡百任天然。世味只如此。拌做幾千年。

賀新郎 詠牡丹 葛長庚

曉霧須收霽。牡丹花如人半醉。擡頭不起。雪煉作冰冰。作水。十朶未開三四。又加以風禁雨制。況是東吳春色盛。儘移根換葉。分黃紫。所貴者。稱姚魏。其間

一種尤姝麗。似佳人素羅裙在。碧羅衫底。中有一花邊兩蕊。恰似妝成小字。看不足如何可比。白玉杯將青玉緣。據晴香煖。豔還如此。微笑道。有些是。

賀新郎 送人 葛長庚

風雨今如此。問行人如何有得。許多兒淚。爲探木犀開也未。只有芙蓉而已。九十日秋光能幾。千里送人須一別。卻思量我了。思量你去。則是住。則是歸。歸歸我亦行行矣。便行行不須回首也。休縈繫。一似天邊雙鳴雁。一箇飛從東際。那一箇又飛西際。畢竟人生都是夢。再相逢。除是青霄裏。卻共飲。卻共醉。

行香子 題羅浮 葛長庚

滿洞苔錢。買斷風煙。笑桃花流落晴川。石樓高處。夜夜啼猿。看二更雲。三更月。四更天。細草如氈。獨枕空拳。與山麋野鹿同眠。殘霞未散。淡霧沈綿。是晉時人。唐時洞。漢時仙。

卜算子

葛長庚

漁火海邊明。煙鎖千山靜。獨坐僧窗夜未央。寂寞孤燈影。感慨輒興懷。往事無人省。江漢飄浮二十年。一枕西風冷。

蝶戀花

葛長庚

綠暗紅稀春已暮。燕子銜泥。飛入誰家去。柳絮欲停風不住。杜鵑聲裏山無數。白馬青衫無定據。好底林泉。信脚隨緣寓。拌卻此生心已許。一川風月聊爲主。

水調歌頭

自述

葛長庚

苦苦誰知苦。難難也是難。尋思訪道。不知行過幾重山。喫盡風儂雨愆。那見霜凝雪凍。飢了又添寒。滿眼無人問。何處扣玄關。好因緣。傳口訣。煉金丹。街頭巷尾。無言暗地自生歡。雖是蓬頭垢面。今已九旬來地。尙且是童顏。未下飛昇

詔。且受者清閒。

如夢令 李石

橋上水光浮雪。橋下柳陰遮月。夢裏去尋香。露冷五更時節。胡蝶。胡蝶。飛過閒紅千葉。

如夢令 李石

憶被金尊勸倒。燈下紅香圍繞。別後有誰憐。一任春殘鶯老。煩惱。煩惱。腸斷綠楊芳草。

長相思 李石

花飛飛。絮飛飛。三月江南煙雨時。樓臺春樹迷。雙鶯兒。雙燕兒。橋北橋南相對啼。行人猶未歸。

臨江仙 李石

煙柳疏疏人悄悄。畫樓風外吹笙。倚闌聞喚小紅聲。薰香臨欲睡。玉漏已三更。
坐待不來來又去。一方明月中庭。粉牆東畔小橋橫。起來花影下。扇子撲飛
螢。

漁家傲 李石

西去征鴻東去水。幾重別恨千山裏。夢繞綠窗書半紙。何處是桃花谿畔人。千
里。瘦玉倚香愁黛翠。勸人須要人先醉。問道明朝行也未。猶自記燈前背立
偷彈淚。

江城子 韓滉

雪消霜入小溪舟。試浮游。上山頭。薄薄寒煙。依舊未全收。問道梅花開也未。吟
不盡。一春愁。襟懷如此老還休。嬾凝眸。轉深幽。詩罷一眉新月又如鉤。臘後
春前村意遠。回棹穩。水西流。

風入松 韓 澆

小樓春映遠山橫。綠徧高城。望中一片斜陽靜。更萋萋芳草還生。疏雨冷煙寒食。落花飛絮清明。數聲絃管忍重聽。猶帶微醒。問春何事春將老。春不語春恨難平。莫把風流時節。都歸閒淡心情。

生查子 韓 澆

山意入春晴。都是梅和柳。白白與青青。日映風前酒。歸去也如何。路上休回首。各自做新年。柳裊梅枝瘦。

謁金門 韓 澆

雲外月。畫出一痕清絕。梅已飄零桃未發。帶湖煙水闊。渚汀尙留微雪。不酒融歌歇。老我多情膠漫結。半醒空自說。

謁金門 春暮有感 楊冠卿

傷漂泊。負了花前期約。寒食清明都過卻。愁懷無處著。
晴日柳陰池閣。風絮
斜穿簾幕。簾外鞦韆閒綵索。斷腸人寂寞。

憶秦娥

楊冠卿

雲垂幕。江天雪似楊花落。楊花落。翠襟不暖。曉寒偏覺。
起來獨倚西樓角。客
懷無耐傷離索。傷離索。蠻牋欲寄。塞鴻難託。

生查子

和夏中玉

辛棄疾

一天霜月明。幾處砧聲起。客夢已難成。秋色無邊際。
旦夕是重陽。菊有黃花
藥。只怕又登高。未飲心先醉。

菩薩蠻

辛棄疾

稼軒日向兒曹說。帶湖買得新風月。頭白早歸來。種花花已開。
功名渾是錯。
更莫思量著。見說小樓東。好山千萬重。

南鄉子 贈妓 辛棄疾

好箇主人家。不問因由便去。病得那人妝。晃子巴巴。繫上裙兒穩也哪。別
淚沒些些。海誓山盟總是賒。今日新歡須記取。孩兒更過十年也似他。

唐多令 辛棄疾

淑景鬪清明。和風拂面輕。小杯盤同集郊坰。頓著箇。嬌兒不肯上。須索要大家。
行。行步漸輕盈。行行語笑頻。鳳鞋兒微褪些根。驀忽地倚人陪。笑道真箇是。
脚兒疼。

眼兒媚 妓 辛棄疾

煙花叢裏不宜他。絕似好人家。淡妝嬌面。輕注朱唇。一朵梅花。
相逢比著年時節。顧意又爭些。來朝去也。莫因別箇。忘了人咱。

踏莎行 春日有感 辛棄疾

萱草齊階。芭蕉弄葉。亂紅點點團香蝶。過牆一陣海棠風。隔簾幾處梨花雪。愁滿芳心。酒潮紅頰。年年此際傷離別。不妨橫管小樓中。夜闌吹斷千山月。山共水。美滿一千餘里。不避曉行并早起。此情都爲你。不怕與人尤殢。只怕被人調戲。因甚無箇阿鵲地。沒工夫說裏。

鵲橋仙

送粉卿行

辛棄疾

轎兒挑了。擔兒裝了。杜鵑一聲催起。從今一步一回頭。怎睚得一千餘里。舊時行處。舊時歌處。空有燕泥香墜。莫嫌白髮不思量。也須有思量去裏。

念奴嬌

清明

汪暉

誰家野菜飯炊香。正是江南寒食。試問春光今幾許。猶有三分之一。枝上花稀。柳間鶯老。是處春狼藉。新來燕子。尙傳晉苑消息。應記往日西湖。萬家羅綺。

見滿城爭出。急管繁絃。嘈雜處。寶馬香車如織。猛省狂遊。恍如昨夢。何日重尋。覓杜鵑聲裏。桂輪挂上空碧。

朝中措 惜春 趙善括

東君著意在枝頭。紅紫自風流。貪引游蜂舞蝶。幾多春事都休。三分好處。不隨流水。卽是閒愁。惟我惜花心在。更看紅葉沈浮。

念奴嬌 丘崇

燭花漸暗。似夢來非夢。今夕何夕。簾幕生香。人醉裏。家住深深密密。送客難爲。獨留無計。此意誰知得。相看無語。可憐心緒。如織。緩轡踏月歸來。空餘襟袖。有多情脂澤。淺笑輕顰。追想處。眼底如今歷歷。著意新詞。於人好語。過後應難必。今宵酒醒。斷腸人。正愁寂。

錦帳春 己未孟冬樂淨見梅英作 丘崇

翠竹如屏。淺山如畫。小池面危橋一跨。著櫻亭臨水。宛然郊野。竹籬茅舍。好
是天寒。倍添幽雅。正雪意垂垂欲下。更朦朧。月影弄明初夜。梅花動也。

點絳脣 丘崇

戊子之春同官皆拘文不暇游集春暮皆與牢落之歎予亦頗歎之作此乃三月九日也是

日楊花甚盛蓋風云

花落花開等閒不管流年度。舊游何處。淺立空凝竚。驚拍闌干。忍見春將暮。
憑風絮。爲人飛去。散作愁無數。

青玉案 重九憶羅舜舉 廖行之

家山此去無多路。久沒箇音書去。一別而今佳節度。黃花開未。白衣到否。籬落
荒涼處。崢嶸歲月還秋暮。空腹便便無好句。菊意愆期。渾未許。那堪惹恨。年
來此日。長是瀟瀟雨。

點絳脣 送人歸新城 廖行之

音信西來。恩恩思作東歸計。別懷縈繫。爲箇人留滯。尊酒團圓。莫惜通宵醉。還來未滿期。君至只在初三四。

昭君怨 園池夜泛 張鑑

月在碧虛中住。人向亂荷中去。花氣雜風涼。滿船香。雲被歌聲搖動。酒被詩情撥送。醉裏臥花心。擁紅衾。

烏夜啼 夜坐 張鑑

月兒猶未全明。乞憐生。幾片彩雲來去。更風輕。應見我行又坐。苦凝情。捲起簾兒不睡。到三更。

柳梢青 適和軒 張鑑

一望清溪。兩堤翠蔭。半紙新詩。涼滿衣裳。香生筆硯。風動窗扉。月明撐過船。

兒。載龍玉雙娥對吹。竹外山亭。花邊水檻。不醉休歸。

蝶戀花 挾翠橋 張鑑

灑面松風涼似水。下看冰泉。噴薄溪橋底。疊疊層峰相對起。家居卻在深山裏。
枝上凌霄紅繞翠。飄下紅英。翠影爭搖曳。今夜巖扉休早閉。月明定有飛仙
至。

臨江仙 張鑑

余年三十二歲在甲辰嘗畫七圈於紙揭之坐右每圈橫界作十眼歲塗其一今已過五十
有二悵然增感戲題此詞

七箇圈兒爲歲數。年年用墨糊塗。一圈又賸半圈餘。看看雲蔽月。三際等空虛。
縱使古稀眞箇得。後來爭免嗚呼。肯閒何必更懸車。非關輕利祿。自是沒工夫。

漁家傲 漁翁 張鑑

拂拂春風生草際。新晴萬景供遊戲。鷗鷺飛來斜照裏。金和翠。分明畫出真山水。遮箇漁翁無慍喜。乾坤都在孤篷底。一曲高歌千古意。閒來睡。從教月到花汀外。

浣溪沙 郭應祥

樹底全無一點紅。今年春事又成空。不須追恨雨和風。欲去未來多惡況。獨眠無寐少歡悰。一聲啼鴉五更鐘。

好事近 丙寅重陽 郭應祥

今日十分晴。好箇重陽天氣。又向銀山高處。爲黃花一醉。泉江風物飽相諳。瞥眼過三歲。但得明年強健。任舉杯何地。

好事近 丁卯元夕 郭應祥

今歲度元宵。隨分點些燈火。不比舊家繁盛。有紅蓮千朵。客來草草辦杯盤。餽釘雜蔬果。休羨暗塵隨馬。與銀花鐵鎖。

月當窗

張輯

看朱成碧。曾醉梅花側。相遇。恁恁相別。又爭似不相識。南北千里隔。幾時重見得。最苦子規啼處。一片月當窗白。

生查子

憶去秋抱病過冬。因賦此。

汪莘

春來春色佳。秋至秋光好。無計奈春歸。又看秋光老。去年飛雪時。病與梅花道。來歲雪飛時。爲把金樽倒。

菩薩蠻

汪莘

問言何處秋光好。當年曾過長洲道。一望沒遮攔。天寬水亦寬。也因輕霧掃。也傍斜暉討。指點與君看。畫他難不難。

桃源憶故人 注 莘

人問只解留春住。不管秋光歸去。一陣西窗風雨。秋也歸何處。柴扉半掩閒庭戶。黃葉青苔無數。猶把小春分付。梅蕊前村路。

行香子 臘八日與洪仲簡溪行其夜雪作 注 莘

野店殘冬。綠酒春濃。念如今此意誰同。溪光不盡。山翠無窮。有幾枝梅。幾竿竹。幾株松。籃輿乘興。薄暮疏鐘。望孤村斜日愔愔。夜窗雪陣。曉枕雲峯。便擁漁蓑。頂漁笠。作漁翁。

行香子 雪後閒眺 注 莘

策杖溪邊。倚杖峰前。望瓊林玉樹森然。誰家殘雪。何處孤煙。向一溪橋。一茅店。一漁船。別般天地。新樣山川。喚家僮訪鶴尋猿。山深寺遠。雲冷鐘殘。喜竹間燈。梅間屋。石間泉。

長相思 惜梅 劉克莊

寒相催。暖相催。催了開時催謝時。丁寧花放遲。
角聲吹。笛聲吹。吹了南枝吹北枝。明朝成雪飛。

臨江仙 潮惠道中 劉克莊

不見仙湖能幾日。塵沙變盡形容。夜來月冷露華濃。都忘茅屋下。但記畫船中。
兩岸綠陰猶未合。更須補竹添松。最憐幾樹木芙蓉。手栽纔數尺。別後爲誰紅。

卜算子 劉克莊

片片蝶衣輕。點點猩紅小。道是天公不惜花。百種千般巧。
朝見樹頭繁。暮見枝頭少。道是天公果惜花。雨洗風吹了。

憶秦娥 暮春 劉克莊

遊人絕。綠陰滿野。芳菲歇。芳菲歇。養蠶天氣。采茶時節。枝頭杜宇啼成血。陌頭楊柳吹成雪。吹成雪。淡煙微雨。江南三月。

滿江紅

豫章滕王閣

吳潛

萬里西風吹我上滕王高閣。正檻外楚山雲漲。楚江濤作。何處征帆木末去。有時野鳥沙邊落。近簾鉤暮雨掩空來。今猶昨。秋漸緊。添離索。天正遠。傷飄泊。歎十年心事。休休莫莫。歲月無多人易老。乾坤雖大愁難著。向黃昏斷送客魂消。城頭角。

沁園春

江西道中

吳潛

落雁橫空。亂鴉投樹。孤村暮煙。有漁翁拖網。牧童戴笠。行從水畔。唱過山前。雨閣還垂。雲低欲墮。何處行人喚渡船。蕭蕭處。更柴門草店。竹外松邊。悽然倚馬停鞭。歎客袂征衫。歲月遷。既不緣富貴。功名繫絆。非因妻子。田宅榮牽。只有

寸心難忘斯世。磊塊輪囷。知者天。愁無奈。且三杯濁酒。一枕酣眠。

滿庭芳

春感

吳潛

漠漠春陰。疏疏春雨。鶯鳩喚起春眠。小園人靜。獨自倚鞦韆。又見飄紅墮雪。芳徑裏。都是花鈿。年年事。閒愁閒悶。挂在綠楊邊。尋思都徧了。功名竹帛。富貴貂蟬。但身爲利鎖。心被名牽。爭似依山傍水。數椽外。二頃良田。無榮絆。炊粳釀菹。長是好花天。

酹江月

暇日登新樓望揚州於雲煙縹渺之間寄趙南仲端明

吳潛

半空樓閣。把江山圖畫。一時收拾。白鳥孤飛。盡處最好暮天秋碧。萬里西風。百年人事。謾倚闌干拍。凝眸。何許揚州。煙樹歷歷。應念老子年來。浮名浮利。已作虛空擲。三徑纔尋歸活計。又是飄零爲客。回首平生。驚心雙鬢。容易成悽惻。尊前一笑。且由醉帽。敲側。

八聲甘州 和魏鶴山韻 吳潛

任渠儂造物自兒嬉。安能止吾歸。有秋來竹徑。春時花塢。夏裏荷漪。何事東塗西抹。空遣鬢毛稀。矯首看鴻鵠。遠舉高飛。點檢人間今古。問誰爲羸局。底是輸棊。謾區區成敗。蟻陣與蝸圍。便掀天捲地勳業。怕山中拍手笑希夷。如何是一尊相屬。萬事休知。

摸魚兒 吳潛

滿園林瘦紅肥綠。休休春事無幾。杜鵑喚起三更夢。窗外露澄風細。渾不寐。但日看一簾夜月移花未。推衾自起。念歲月如流。容顏不駐。鏡裏留無計。人間事。休說賤貧富貴。天公長把人戲。蕭蕭裴曹郭。今何在。空有舊聞千紙。君謾試。數青史。榮名到底三無二。浮生似寄。爭似得江湖。煙蓑雨笠。不被蝸蠅繫。

青玉案 吳潛

黃昏先自無情緒。更幾陣風和雨。閒把樓頭更點數。挑殘燈燼。裝成香縷。此際憑誰訴。新詞舊曲歌還住。欲說相思渺無處。圍定寒爐人不語。暗蛩啾唧。征鴻嘹唳。憔悴都如許。

踏莎行

吳潛

紅藥將殘。綠荷初展。森森竹裏閒庭院。一鑪香燼一甌茶。隔牆聽得黃鸝轉。陌上春歸。水邊人遠。盡將前事思量徧。流光冉冉爲誰忙。小橋佇立斜陽晚。

唐多令

湖口道中

吳潛

白鷺立孤汀。行人長短亭。正垂楊芳草青青。歲月盡拋塵土裏。又隔日是清明。日暮碧雲生。魂傷老淚橫。算浮生較甚浮名。萬事不禁雙鬢改。誰念我此時情。

謁金門

書上秀郎溪亭

吳潛

溪邊屋。不淺不深團簇。野樹平蕪秋滿目。有人閒意足。旋喚一尊醪醖。菱芡煮來新熟。歸去來辭歌數曲。醉時無檢束。

更漏子 吳潛

柳初眠。花正好。又被雨催風惱。紅滿地。綠垂隄。杜鵑和恨啼。對殘春。消永晝。乍暖乍寒時候。人獨自。倚危樓。夕陽多少愁。

卜算子 吳潛

苕霽水。能清更有。人如水。秋水橫邊簇。遠山相對。盈盈裏。溪上有鴛鴦。艇子頻驚起。何似收歸碧玉池。長在闌干底。

霜天曉角 吳潛

雲收霧闢。萬里天空碧。舟過蛾眉亭下。景似舊。人非昔。年事如梭擲。世事如棊弈。撫掌扣舷一笑。今古恨。問誰得。

蝶戀花 吳中趙園 吳 潛

野樹梅花香似撲。小徑穿幽。樂意天然足。回首間人名利局。大都一覺黃粱熟。別墅誰家屏簇簇。綺戶疏窗。尙有藏春屋。鏡斷釵分何處續。傷心芳草庭前綠。

蝶戀花 吳 潛

客枕夢回聞二鼓。冷落青燈。點滴空階雨。一寸愁腸千萬縷。更聽切切寒蛩語。世事翻來還覆去。造物兒嬉。自古無憑據。利鎖名韉空自苦。星星鬢影今如許。

如夢令 吳 潛

插徧門前楊柳。又是清明時候。歲月不饒人。鬢影星星知否。知否。知否。且盡一杯春酒。

如夢令 吳潛

昨日春衫初試。今日春寒猶殢。待得晚風收。獨上危樓閒倚。閒倚閒倚。目斷半空煙水。

如夢令 吳潛

江上綠楊芳草。想見故園春好。一樹海棠花。昨夜夢魂飛繞。驚曉。驚曉。窗外一聲啼鳥。

如夢令 吳潛

閒向園林點檢。又見小桃開徧。切莫便飄零。且爲春光留戀。留戀留戀。待我持杯深勸。

望江南 吳潛

家山好。好處是三春。白白紅紅花。面貌絲絲裊裊。柳腰身。錦繡底園林。行樂

事都付與閒人。挈榼攜壺從笑傲。踏青挑菜恣追尋。贏得箇天真。

又

家山好。負郭有田園。蠶可充衣天賜予。耕能足食地周旋。骨肉盡團圓。旋五福。歲歲樂豐年。自養雞豚烹臘裏。新抽韭薺薦春前。活計不須添。

又

家山好。好處是安居。無事不須干郡縣。有餘但管濟鄉閭。及早了王租。隨日力也著。幾般書。靜裏精神偏爽快。閒中光景越舒徐。臘月盡工夫。

浪淘沙

吳潛

長記去年時。雪滿征衣。佳人攜手畫樓西。今日關山千里外。此恨誰知。想見綠窗低。依舊空閨。惜春還是惜花飛。縱有游蜂偷得去。爭似簾帷。

小重山

吳潛

溪上秋來晚更宜。夕陽西下處。碧雲堆。誰家舟子采蓮歸。雙白鷺。驚起背人飛。
煙水漸淒迷。漁燈三數點。乍明時。西風一陣白蘋湄。凝佇久。心事有誰知。

昭君怨

吳潛

小雨霏微如線。人在暮秋庭院。衣袂帶輕寒。睡初殘。脈脈此情何限。惆悵光陰偷換。身世兩沈浮。淚空流。

如夢令

趙崇燾

日日酒圍花陣。晝閣紅樓相近。殘月醉歸來。長是雨羞雲困。低問。低問。獨自繡幃睡穩。

菩薩蠻

趙崇燾

桃花相向東風笑。桃花忍放東風老。細草碧如煙。薄寒輕暖天。折釵鸞作股。鏡裏參差舞。破碎玉連環。捲簾春睡殘。

點絳脣 有懷蘇州 吳文英

明月茫茫。夜來應照南橋路。夢遊熟處。一枕啼秋雨。可惜人生不向吳城住。心期誤。雁將秋去。天遠青山暮。

思佳客 癸卯除夕 吳文英

自唱新詞送歲華。鬢絲添得老生涯。十年舊夢無尋處。幾度新春不在家。衣
懶換。酒難賒。可憐此夕看梅花。隔年昨夜青燈在。無限妝樓盡醉譁。

鳳棲梧 甲辰七夕 吳文英

開過南枝花滿院。新月西樓。相約同針線。高樹數聲蟬送晚。歸家夢向斜陽斷。
夜色銀河情一片。輕帳偷歡。銀燭羅屏怨。陳迹曉風吹霧散。簾鉤空帶蛛絲
捲。

唐多令 吳文英

何處合成愁。離人心上秋。縱芭蕉不雨也颼颼。都道晚涼天氣好。有明月。怕登樓。年事夢中休。花空煙水流。燕辭歸客尙淹留。垂柳不縈裙帶住。漫長是。繫行舟。

浪淘沙

吳文英

鐙火雨中船。客思緜緜。離亭春草又秋煙。似與輕鷗盟未了。來去年年。往事一潸然。莫過西園。淩波香斷綠苔錢。燕子不知春事改。時立鞦韆。

思佳客

吳文英

迷蝶無蹤曉夢沈。寒香深閉小庭心。欲知湖上春多少。但看樓前柳淺深。愁自遣。酒孤斟。一簾芳景燕同吟。杏花宜帶斜陽看。幾陣東風晚又陰。

蝶戀花

北京夜雪

劉學箕

燈火已收正月半。一夜東風吹得寒威轉。怪得美人貪睡暖。飛瑛積玉千林變。

點
道是柳絲春尚淺。比著梅花。花已都零亂。漠漠一天迷望眼。多情更把征衣

惜分飛 柳絮 劉學箕

池上樓臺堤上路。盡日悠揚飛舞。欲下還重舉。又隨胡蝶牆東去。糝徑飄空
無定處。來往綠窗朱戶。卻被春風妒。送將蛛網留連住。

長相思 西湖夜醉 劉學箕

湖山橫。湖水平。買箇湖船一葉輕。傍湖隨柳行。秋風清。秋月明。誰擣秋砧煙
外聲。悲秋無盡情。

鷓鴣天 發舟安康朋游見留往復三用韻 劉學箕

芳草萋萋入眼濃。一年花事又怱怱。吐舒桃臉今朝雨。零落梅妝昨夜風。雲
接野。水連空。畫欄十二倚誰同。兩眉新恨無分付。獨立蒼苔數落紅。

菩薩蠻 杏花 劉學箕

昨日杏花春滿樹。今晨雨過香填路。零落輕。胭脂溼紅無力飛。轉頭春易去。春色歸何處。待密與春期。春歸人也歸。

眼兒媚 劉學箕

十年不見柳腰肢。契闊幾何時。天遙地遠。秋悲春恨。只在雙眉。雁聲今夜樓西畔。情慳渺難期。杏花風。景梧桐。夜月都是相思。

臨江仙 富池岸下 劉學箕

人在空江煙浪裏。葉舟輕似浮漚。此心無怨也無憂。漢江迷望眼。滾滾直東流。兩岸荻蘆青不斷。四山岡嶺綢繆。晚風吹袂冷颼颼。誰知三伏暑。全似菊花秋。

漁家傲 白湖觀捕魚 劉學箕

漢水悠悠還漾漾。漁翁出沒穿風浪。千尺絲綸垂兩槳。收又放。月明長在煙波上。釣得活鱗鱗縮項。芻成玉液香浮盎。醉倒自歌歌自唱。輕嫋纜。碧蘆紅蓼清灘傍。

烏夜啼 夜泊揚子江 劉學箕

長亭急管生愁。楚天秋。落日寒鴉飛盡。水悠悠。紅蓼岸。白蘋散。浴輕鷗。人在碧雲深處。倚高樓。

虞美人 劉學箕

寒來暑往何時了。世故催人老。一人口。插幾張匙。何用波波劫劫。沒休時。飢來喫飯困來睡。莫把身爲累。誰能較短與量長。落葉西風。一夢熟黃梁。

賀新郎 送鄭材卿 劉學箕

莫向愁人說。歎人生。不如意事。十常七八。是則中年傷懷抱。客裏何堪送客。又

添取一襟悽咽。岸柳凋零。秋容澹黯。消凝怎忍。輕攀折。重會面。甚時節。杏花
麗日。梅花雪。記當時。一觴一詠。楚雲湘月。別後君休勞。春夢轉。眼江南。塞北。莫
漫被閒愁縈結。且判離筵。今夕醉雲時。間便見蘭舟發。空悵望。水雲闊。

陽關三疊

庚戌送何師可之維揚

柴望

西風吹鬢。殘髮早星星。歎故國斜陽。斷橋流水。榮悴本無憑。但朝朝。纔雨又晴。
人生飄聚等浮萍。誰知桃葉。千古是離情。正無奈。黯黯離情。渡頭煙暝。愁殺
渡江人。傷情處。送君且待江頭月。人共月。千里難并。笳鼓發。戍雲平。此夜思
君腸斷。不禁儘思君。送君立盡江頭月。奈此去君出陽關。縱有明月。無酒酌故
人。奈此去君出陽關。明朝無故人。

滿江紅

別滄洲趙茂仲

柴望

載酒何人。登臨處。滄洲空闊。凭欄外。晴楊兩岸。晚煙潑潑。水鳥不知梁燕去。溪

山半屬冬青閣。有小舟隱約載歌姝。調新曲。留與去。如何得風又雨。催行色。共白蘋紅蓼。好生飄泊。別後三年重會面。人生幾度三年別。正鄉心客夢兩綢繆。城頭角。

賀新郎

柴望

滿酌西湖酒。覺湖山依然未老。遊人如舊。數過清明纔六日。欲暖未晴時候。正畫舫春明波透。記得名園曾駐馬。錦鞍鞵淺映堤橋柳。尋勝賞。重回首。不妨旋摘枝頭有。喜青青垂丸帶子。脰圓如豆。想是和羹消息近。報與醉翁太守。道玉鉉有人啟奏。紅藥當階明似錦。覺嬌鶯舞燕皆稱壽。唱此曲。付紅袖。

念奴嬌

夏夜流螢照窗

陳著

暑天向晚。最相宜。一簇涼生新竹。瀟灑軒窗。還此景。此景真非凡俗。猿鶴相隨。煙霞自在。與我交情熟。人生如夢。箇中堪把心卜。休歎烏兔如飛。功名富貴。

有分終須足。不管他非非是是。是不管他榮和辱。淨几明窗。殘編斷簡。且恁閒勞碌。流螢過去。文章如在吾目。

卜算子 嘲二十八兄 陳著

風急雁聲高。露冷蛩吟切。枕牋衾寒不耐煩。長是傷離別。望得眼兒穿。巴得心頭熱。且喜重陽節又來。黃菊花先發。

青玉案 陳著

青山流水迢迢去。總是東風往。回路送得春來春又暮。鶯如何訴。燕如何語。只有春知處。時光漸漸春如許。何用憐春怕紅雨。到處空飛無實據。花開也好。花飛也好。此意須雙悟。

望江南 元宵 劉辰翁

春悄悄。春雨不須晴。天上未知燈有禁。人間轉似月無情。村市學簫聲。

攤破浣溪沙

潭上夜歸

劉辰翁

醉裏微寒著面醒。天風不展帽敲傾。行過溪深松雪下。夜三更。白白野田鋪似月。縱縱沙路踏如冰。不見剡溪三百曲。一舟橫。

霜天曉角

初春卽事

劉辰翁

柳梢欲雪。十里煙明滅。曲曲闌干轉影。教人憶。夜來月。家人相對說。燈花還又結。凍雨村村戲鼓。終不似。上元節。

江城子

劉辰翁

一年春事幾何空。杏花紅。海棠紅。看取枝頭。無語怨天公。幸自一晴晴太煖。三日雨。五更風。山中長自憶城中。到城中。望水東。說盡閒情。無日不怱怱。昨日也同花下飲。終有恨。不曾濃。

菩薩蠻

秋興

劉辰翁

芭蕉葉上三更雨。人生只合隨他去。便不到天涯。天涯也是家。屏山三五疊。處處飛胡蝶。正是菊堪看。東籬獨自寒。

菩薩蠻 丁丑送春 劉辰翁

殷勤欲送春歸去。白首題將斷腸句。春去自依依。欲歸無處歸。天涯同是寓。握手留春住。小住碧桃枝。桃根不屬誰。

憶秦娥 中齋上元客散感舊賦憶秦娥見屬一讀淒然隨韻寄情不覺悲甚 劉辰翁

燒燈節。朝京道上風和雪。風和雪。江山如舊。朝京人絕。百年短短興亡別。與君猶對當時月。當時月。照人燭淚。照人梅髮。

憶秦娥 昨和次又作收燈節未遣早見古巖四疊又得中齋別梅遂并寫寄 劉辰翁

驚雷節。梅花冉冉銷成雪。銷成雪。一年一度。爲君腸絕。古人長恨中年別。餘年又過新正月。新正月。不堪臨鏡。不堪垂髮。

浣溪沙

春日卽事

劉辰翁

遠遠游蜂不記家。數行新柳白啼鴉。尋思舊事卽天涯。睡起有情和畫卷。燕歸無語傍人斜。晚風吹落小瓶花。

減字木蘭花

臘望初晴月佳甚有上元花柳意不能忘情

劉辰翁

臘銷三五。月向雪山雲外吐。煙水黃昏。梅柳依稀笛斷魂。今宵豫賞。便作香塵隨步。想莫待元宵燈火零星雨。寂寥。

山花子

劉辰翁

此處情懷欲問天。相期相就復何年。行過章江三十里。淚依然。早宿半程芳草路。猶寒欲雨暮春天。小小桃花三兩處。得人憐。

臨江仙

坐悟

劉辰翁

我去就他甚易。他來認我良難。悟時到處是壺天。古詩尋一句。危坐看香煙。

金玉滿堂不守。菁華歲月空遷。從今飽飯更安眠。丹經都不看。閒坐一千年。

臨江仙 閒居感舊 劉辰翁

昔走都門終夜雨。明朝泥淖堪驚。疏疏點點忽雞鳴。數峯青似染。快活早來晴。
十五年間春夢斷。亂山寒食清明。無人挑菜踏青行。青鳩啼雨外。閒聽寺中聲。

醉落魄 擬參晦 江昱賓

憶憶憶。宮羅褶褶消金色。吹花有盡情無極。淚滴空簾。香潤柳枝溼。春愁
浩蕩湘波窄。紅蘭夢繞江南北。燕鶯都是東風客。移盡庭陰。風老杏花白。

卜算子 河南送妓移居河西 汪元量

我向河南來。伊向河西去。客裏相逢只片時。無計留伊住。
去住總由伊。莫把
眉頭聚。安得并州快剪刀。割斷相思路。

憶王孫 集句 在元量

離宮別苑草萋萋。對此如何不淚垂。滿檻山川漾落暉。昔人非。惟有年年秋雁飛。

又

上陽宮裏斷腸時。春半如秋意轉迷。獨坐紗窗刺繡遲。淚沾衣。不見人歸見燕歸。

蝶戀花

和玉林韻

馮取洽

秋到雙溪溪上樹。葉葉涼聲。未省來何許。盡拓溪樓窗與戶。倚闌清夜窺河鼓。那得吟朋同此住。獨對秋芳。欲寄花無處。杖履相從曾有語。未來先自愁君去。

西江月

馮取洽

老子齊頭六十。新年第一今朝。放開懷抱不須焦。萬事付之一笑。煙柳效顰翠斂。露桃獻笑紅妖。已拌行樂到元宵。尚可追隨年少。

望江南

陳允平

煙漠漠。湖外綠楊隄。滿地落花春雨後。一簾飛絮夕陽西。梁燕落香泥。流水恨。和淚入桃蹊。鸚鵡洲邊鸚鵡恨。杜鵑枝上杜鵑啼。歸思越淒淒。

梅花引

荆溪阻雪

蔣捷

白鷗問我泊孤舟。是身留。是心留。是心若留時。何事鎖眉頭。風拍小簾燈暈舞。對閒影。冷清清。憶舊游。舊游舊游。今在不。花外樓。柳下舟。夢也。夢也。夢不到。寒水空流。漠漠黃雲。溼透木絲裘。都道無人愁似我。今夜雪。有梅花。似我愁。

最高樓

催春

蔣捷

新春景。明媚在何時。宜早不宜遲。軟塵巷陌青油幟。重簾深院畫羅衣。耍些兒。

晴日照暖風吹。一片片雪兒休要下。一點點雨兒休要灑。纔恁地。越愆期。悠
悠不趁梅花到。恩恩枉帶柳花飛。倩黃鶯將我語。報春歸。

解佩令 春 蔣捷

春晴也好。春陰也好。著些兒春雨。越好。春雨如絲。繡出花枝紅裊。怎禁他孟婆
合早。梅花風小。杏花風小。海棠風。鷺地寒峭。歲歲春光。被二十四風吹老。棟
花風爾。且慢到。

霜天曉角 蔣捷

人影窗紗。是誰來折花。折則從他折去。知折去向誰家。檐牙。枝最佳。折時高。
折些說與折花人。道須插向鬢邊斜。

清平樂 過吳見屠存博近詩有懷其人 張炎

五湖一葉。風浪何時歇。醉裏不知花影別。依舊空山明月。夜深鶴怨歸遲。此

時那處堪歸。門外一株楊柳。折來多少相思。

清平樂 李彭老

綠窗初曉。枕上聞啼鳥。不恨王孫歸不早。只恨天涯芳草。錦書紅淚千行。一

春無限思量。折得垂楊寄與。絲絲都是愁腸。

瀟湘神 端午競渡棹歌 黃公紹

望湖天。望湖天。綠楊深處鼓鼙驚。好是年年三二月。湖邊日日看划船。

又

看龍舟。看龍舟。兩隄未鬪水悠悠。一片笙歌催鬪晚。忽然鼓棹起中流。

西江月 春暮 陳德武

時序去如流水。功名冷似寒灰。儘教江庾賦多才。一刻千金難買。客裏月圓
月缺。尊前花落花開。春來何處帶愁來。春去此愁何在。

蝶戀花 送春 陳德武

昨夜狂風今日雨。風雨相催。斷送春歸去。萬計千方留不住。春歸畢竟歸何處。
好鳥如歌花解舞。花鳥無情。也訴離愁苦。流水落紅芳草渡。明年好記歸時路。

清平樂 蚊 陳德武

三三兩兩。夜夜教人想。偷入霜綃斜隙帳。直到珊瑚枕上。玉人夢繞江南。輸他一餉肥甘。莫恨我心兒毒。只因你口兒饑。

清平樂 促織 陳德武

啾啾唧唧。夜夜鳴東壁。如訴如歌如涕泣。亂我離懷似織。畫堂簾幙沈深。美人睡穩香衾。懶婦知眠到曉。爾蟲枉自勞心。

滿江紅 陳德武

記得年時。離筵上把梅花折。還經盡江南煙雨。淮陽風雪。寒食清明都過了。看
看又到端陽節。倚闌干屈指數流光。經年別。心一寸。腸千結。千里夢。三更月。
更曉來寒透。不堪愁絕。羞見慈烏啼反哺。厭聞乳燕調新舌。覩禽物愈覺倍傷
情。歸心切。

人月圓

王夢斗

尋常一樣窗前月。人只看中秋。年年今夜。爭尋詩酒。共上高樓。一箇明鏡。能
圓幾度。白了人頭。良辰美景。賞心樂事。輸少年遊。

菩薩蠻

魏夫人

溪山掩映斜陽裏。樓臺影動鴛鴦起。隔岸兩三家。出牆紅杏花。
綠楊堤下路。早晚溪邊去。三見柳綿飛。離人猶未歸。

點絳脣

魏夫人

波上清風。畫船明月人歸後。漸消殘酒。獨自凭闌久。聚散恩恩。此恨年年有。重回首。淡煙疎柳。隱隱蕪城漏。

菩薩蠻

李清照

風柔日薄春猶早。夾衫乍著心情好。睡起覺微寒。煤花鬢上殘。故鄉何處是。忘了除非醉。沈水臥時燒。香消酒未消。

怨王孫

李清照

湖上風來波浩渺。秋已暮。紅稀少。水光山色與人親。說不盡。無窮好。蓮子已成荷葉老。青露洗。蘋花汀草。眠沙鷗鷺不回頭。似也恨。人歸早。

一翦梅

李清照

紅藕香殘玉簟秋。輕解羅裳。獨上蘭舟。雲中誰寄錦書來。雁字回時。月滿西樓。花自飄零水自流。一種相思。兩處閒愁。此情無計可消除。纔下眉頭。又上心

頭。

武陵春

李清照

風住塵香花已盡。日晚倦梳頭。物是人非事事休。欲語淚先流。
聞說雙溪春尚好。也擬汎扁舟。只恐雙溪舴艋舟。載不動許多愁。

浣溪沙

李清照

樓上晴天碧四垂。樓前芳草接天涯。勸君莫上最高梯。
新筍已成堂下竹。落花都入燕巢泥。忍聽林表杜鵑啼。

聲聲慢

李清照

尋尋覓覓冷冷清清。淒淒慘慘戚戚。乍暖還寒時候。正難將息。三盃兩盞淡酒。怎敵他晚來風急。雁過也。正傷心。卻是舊時相識。
滿地黃花堆積。憔悴損。如今有誰堪摘。守著窗兒。獨自怎生得黑。梧桐更兼細雨。到黃昏。點點滴滴。這次

第。怎。一。箇。愁。字。了。得。

蝶戀花

朱淑真

樓外垂楊千萬縷。欲繫青春少住。春還去。猶自風前飄柳絮。隨春且看歸何處。
滿目山川聞杜宇。便做無情莫也愁人意。把酒送春春不語。黃昏卻下瀟瀟雨。

生查子

陸放翁妾

只知眉上愁。不識愁來路。窗外有芭蕉。陣陣黃昏雨。曉起理殘妝。整頓教愁去。不合畫春山。依舊留愁住。

如夢令

孫道綸

翠擘紅蕉影亂。月上朱闌一半。風自碧空來。吹落歌珠成串。不見。不見。人被繡簾遮斷。

憶秦娥 孫夫人

花深深。一鉤羅襪行花陰。行花陰。閒將柳帶。試結同心。日邊消息空沈沈。畫眉樓上愁登臨。愁登臨。海棠開後。望到而今。

碎花箋 戴石屏妻

惜多才。憐薄命。無計可留汝。揉碎花箋。仍寫斷腸句。道傍楊柳依依。千絲萬縷。抵不住。一分情緒。捉月盟言。不是夢中語。後回君若重來。不相忘處。把盃酒。澆奴墳上土。

市橋柳 蜀中妓

欲寄意。渾無所有。折盡市橋官柳。看君著上春衫。又相將放船楚江口。後會不知何日。又是男兒休要鎮長相守。苟富貴。無相忘。若相忘。有如此酒。

且坐令 韓玉

閒院落。誤了清明約。杏花雨過胭脂綽。緊了秋千索。鬪草人歸。朱門悄掩。梨花
寂莫。書滿紙。恨憑誰託。纔封了。又揉卻。知他何處貪歡樂。引得我心兒惡。怎
生全不思量著。那人人情薄。

醉公子 無名氏

門外鴉兒吠。卻是蕭郎至。划襪下香堦。冤家今夜醉。扶得入羅幃。不肯脫羅
衣。醉則從他醉。還勝獨睡時。

歷代白話詞選

金詞

訴衷情 吳激

夜寒茅店不成眠。殘月照吟鞭。黃花細雨時候，催上渡頭船。鷗似雪，水如天。憶當年。到家應是。童稚牽衣。笑我華顛。

江城子

王溫季自北都歸過予三河坐中賦此 蔡珪

鵲聲迎客到庭除。問誰歟。故人車。千里歸來，塵色半征裾。珍重主人留客意，奴白飯，馬青芻。東城入眼杏千株。雪模糊。俯平湖。與子花間，隨分倒金壺。歸報東垣詩社友，曾念我，醉狂無。

玉樓春 爲伯求作 高士談

少年人物江山秀。流落天涯。今白首。形容憔悴不如初。文采風流仍似舊。百
花元是仙家酒。千歲靈根能益壽。都將萬事付天公。且伴老人開笑口。

青杏兒

趙秉文

風雨替花愁。風雨罷。花也應休。勸君莫惜花前醉。今年花謝。明年花謝。白了人
頭。乘興兩三甌。揀溪山好處追游。但教有酒身無事。有花也好。無花也好。選
甚春秋。

行香子

趙元

山擁垣牆。水滿溪塘。幾人家籬落斜陽。又還夏也。一霎人忙。正稻分畦。蠶卸簇。
麥登場。老子徜徉。閒日偏長。鬢髮鬆。只管尋涼。綠陰何處。旋旋移牀。有道邊
槐。門外柳。舍南桑。

感皇恩

漫興

王寂

寂

天地一浮萍。人生如寄。畫餅功名竟何益。百年渾醉。三萬六千而已。過了一日也。無一日。韶顏暗改。良辰易失。絲竹杯盤但隨意。醪醑賞罷。更向牡丹叢裏。戴花連夜飲。花前睡。

謁金門

贈教授李勉之

李俊民

初雨歇。槐夏綠陰時節。萬里無雲天紺滑。一輪光皎潔。好怕暫高還沒。好怕暫圓還缺。同是廣寒宮裏客。相逢無話說。

謁金門

寄梅

李俊民

西齋得梅數枝。色香可愛。一日爲澤。俸崔仲竊去。感歎不已。因賦謁金門十二章以寫其悵。

望之懷（錄二首）

開未徹。先把一枝偷折。看取黃昏今後別。暗香浮動月。誰爲尋芳時節。誤了前村踏雪。爲問花間能賦客。如何心似鐵。

又探梅

誰便道。昨夜雪中開了。次第不將消息報。探芳人草草。宜在嫩寒清曉。與比孤山更好。流落逢花須醉倒。惜花人易老。

漁家傲

送春二首

段克己

春去春來誰作主。怨他昨夜江頭雨。把酒問春春不語。頭懶舉。亂紅飛過秋千去。芳草澹煙江上路。鷓鴣聲裏斜陽暮。風外榆錢無意緒。空自舞。如何買得青春住。

又

詩句一春渾漫與。紛紛紅紫俱塵土。樓外垂楊千萬縷。風蕩絮。闌干倚徧空無語。畢竟春歸何處所。樹頭樹底無尋處。惟有閒愁將不去。依舊住。伴人直到黃昏後。

江城子 劉濟川來別同宿康庵夢與予過田家飲行及太原作此爲寄 元好問

來鴻去燕十年間。鏡中看。各衰顏。恰待蒙泉。東畔買青山。夢裏鄰村新釀熟。攜竹杖。款柴關。人生誰得老來閒。記清歡。見君難。長路悠悠。回首暮雲還。斷嶺不遮南望眼。時爲我。一憑闌。

臨江仙 寄德新丈 元好問

自笑此身無定在。北州又復南州。買田何日遂歸休。向來元落落。此去亦悠悠。赤日黃塵三百里。嵩丘幾度登樓。故人多在玉溪頭。清泉明月曉。高樹亂蟬秋。

臨江仙 元好問

世事悠悠天不管。春風花柳爭妍。人家寒食盡藏煙。不知何處火。來就客心然。千里故鄉千里夢。高城淚眼遙天。時光流轉雁飛邊。今春看又過。何日是歸

年。

臨江仙

元好問

荷葉荷花何處好。大明湖上新秋。紅妝翠蓋木蘭舟。江山如畫裏。人物更風流。
 千里故人千里月。三年孤負歡遊。一尊白酒寄離愁。殷勤橋下水。幾日到東州。

歷代白話詞選

元詞

感皇恩

辛卯年秋八月與周宰游王氏祠堂

王 恽

日日午餐餘。卽須幽討。拄杖長行。覓周老。三杯兩盞。不致玉山傾倒。與君何處去。乾岡好。松影閒庭。長吟藉草。白髮多來故人少。春山何在。兩樹寒梅。枯槁。一聲鄰笛起。催歸早。

點絳脣

探花

王

恽

春雨添花。遶闌來看。花開否。海棠紅瘦。綠葉花如豆。梨雪生香。近在清明候。花爲友。莫輕孤負。預問鄰家酒。

烏夜啼

秋興

趙

文

院靜槐陰似水。雨餘蟬語先秋。熟殘梅子無人打。金彈滿紅溝。又送行人歸去。誰憐倦客淹留。畫船旗鼓江南岸。人倚夕陽樓。

蘇幙遮 春情 趙文

綠秧平。煙樹遠。村落聲喧。鳧雁歸來晚。自倚闌干。舒困眼。一架葡萄青得池塘滿。飲先愁。吟又懶。幾許閒情。百計難消遣。客路不如歸。夢短。何況啼鶻。怎不教腸斷。

菩薩蠻 題山館 劉燠

長亭望斷來時路。樓臺杳靄迷花霧。山雨隔窗聲。思君魂夢驚。淚痕侵褥錦。閒卻鴛鴦枕。有淚不須垂。金鞍明月歸。

菩薩蠻 和詹天游 劉燠

故園青草依然綠。故宮廢址空喬木。狐兔穴巖城。悠悠萬感生。胡笳吹漢月。

北語南人說。紅紫鬧東風。湖山一夢中。

阮郎歸 奉使由平瀨之惠州山行 劉敏中

青山不盡一重重。重重如畫中。石根流水玉玲瓏。高低處處通。山向北。路回東。馬前三四峰。峰頭更覺翠煙濃。煙中無數松。

菩薩蠻 月夕對玉簪獨酌 劉敏中

遙看疑是梅花雪。近前不似梨花月。秋入一簪涼。滿庭風露香。舉杯香露洗。月在杯心裏。醉眼月徘徊。玉鸞花上飛。

點絳脣 寄程雪樓 劉敏中

短夢驚回。北窗一陣芭蕉雨。雨聲還住。斜日明高樹。起望行雲送雨。前山去。山如霧。斷虹猶怒。直入山深處。

木蘭花 劉因

未開。常探花開未。又恐開時風雨至。花開風雨不相妨。說甚不來花下醉。百年枉作千年計。今日不知明日事。春風欲勸坐中人。一片落紅當眼墜。百

菩薩蠻 飲山亭感舊 劉因

種花人去花應道。花枝正好人先老。一笑問花枝。花枝得幾時。人生行樂耳。今古都如此。急欲醉莓苔。前村酒未來。

清平樂 飲山亭留宿 劉因

山翁醉也。又返黃茅舍。醉裏忽聞留我者。說道羣花未謝。脫巾就臥松龕。覺來詩思方酣。欲借白雲爲筆。淋漓灑徧晴嵐。

風中柳 飲山亭留宿 劉因

我本漁樵。不是白駒空谷。對西山悠然自足。北窗疏竹。南窗叢菊。愛村居數間。茆屋。風煙草屨。滿意一川平綠。問前溪今朝酒熟。幽禽歌曲。流泉琴筑。欲歸。

來。故。人。留。宿。

西江月 飲山亭留飲 劉 因

看竹何須問主。尋村遙認松蘿。小車到處是行窩。門外青山屬我。張叟臘醅藏久。王家紅藥開多。相留一醉意如何。老子掀髯曰可。

鵲橋仙 舟行辰沅江中小詞數闋呈建中御史(錄一首) 曹伯啓

杜鵑聲訴。鷓鴣聲助。催上黔陽歸路。輕舟短棹泛滄浪。沾兩袖夜郎煙霧。雲山如暮。灘流如怒。石齒嶄然無數。天涯愁緒不堪論。者光景能消幾度。

阮郎歸 舟中作 劉將孫

斜陽江路柳青青。傳杯那放停。上船不記送人行。南風吹酒醒。江曲曲。路縈縈。月明潮水生。送將殘夢作浮萍。角聲何處城。

浣溪沙 春閨送別 吳 存

花滿離筵酒滿瓶。摘花未語淚先零。杯行教醉莫教醒。今夜醺醺連理枕。明朝柳絮短長亭。一般杜宇兩般聽。

西江月 九日南城郊行 蒲道源

堤柳風前影瘦。池荷雨後香殘。高秋物色已闌珊。落日孤煙微暗。平野大家徐步。此身贏得長閒。路逢俗子笑相看。道我爲歡冷淡。

如夢令 仇遠

特特問花消息。結果臙紅殘白。芍藥可人憐。相約荼蘼留客。消得消得。猶有一分春色。

如夢令 仇遠

聽盡西窗風雨。又聽東鄰砧杵。猶自立危闌。闌外青山無語。何處何處。一樹亂鴉啼暮。

點絳脣 仇遠

黃帽櫻鞵。出門一步爲行客。幾時寒食。岸岸梨花白。馬首山多。雨外青無色。誰禁得。殘鶻孤驛。撲地春雲黑。

蝶戀花 仇遠

深院蕭蕭梧葉雨。知道秋來。不見秋來處。雲壓小橋人不渡。黃蘆苦竹愁如霧。四壁秋聲誰更賦。人只留春。不解留秋住。秋又欲歸天又暮。斜陽紅影隨鴉去。

謁金門 劉詵

春睡倦。自揀花枝行徧。昨日新紅今日變。細按將袖染。翠扇迎風撲面。雙燕飛來還轉。簾外楊花簾裏燕。相逢如未見。

南鄉一翦梅 招熊少府 虞集

南阜小亭臺。薄有山花取次開。寄語多情熊少府。晴也須來。雨也須來。隨意且銜杯。莫惜春衣坐綠苔。若待明朝風雨過。人在天涯。春在天涯。

憶秦娥

楊山居湖舫新成載酒落之賦秦樓月二首書於船窗（錄一首）

張天雨

蘭舟小。一篷也便容身了。容身了。幾番煙雨。幾番昏曉。出橋三面青山繞。入城一向紅塵擾。紅塵擾。綠蕤青筍。讓渠多少。

念奴嬌

賦螢

許有壬

更闌人靜。正滿天晴露。半庭斜月。時見飛螢三四點。樹影依稀相隔。暗地偷明。微形自照。冷焰明還滅。有時分亂。殘星流下天闕。應念造物多情。翻騰變化。腐草還成物。多少黃萎隨土壤。爭似超然飛越。我正清貧。寒窗寂寞。賴爾成勳業。案頭乾死也。勝零落霜雪。

滿江紅

和郭子敬夏日村居韻

許有壬

一曲清溪收拾盡風聲。月色還自笑六旬將近。數椽方葺已分封侯。非燕頤儘
教有地爭蝸角。算人生難得是清閒。吾今得離離黍芄芄麥。觀此景皆眞樂。
更葵花未謝。藕花仍發。煩劇只因詩有債。迂疏卻喜門無客。問小亭盛暑不容
人。今秋月。

鵲橋仙

贈可行弟

許有壬

花香滿院。花陰滿地。夜靜月明風細。南坡一室小如舟。都斂盡山林清致。竹
簾半捲。柴門不閉。好箇暮春天氣。長安多少曉雞聲。管不到江南春睡。

鵲橋仙

宴胡安常侍御家

許有壬

清香華屋。黃葵紅葉。正是新涼時節。文園多病不勝杯。孤負殺一庭秋色。珍
殺紛錯。玉醅芳烈。醉倒江湖狂客。涼天佳月卽中秋。更有箇今年閏月。

蝶戀花

許有壬

九陌千門新雨後。細染濃薰。滿日春如繡。恰信東君神妙手。一宵綠徧官橋柳。樓下蘭舟樓上酒。沙暖蘋香。渾似來時候。說與可人知信否。傷春更比悲秋瘦。

漁家傲

訪畢雪巖不遇

許有壬

木落寒林山骨瘦。湘江風細波紋皺。何處攜琴何處酒。惆悵久。亂鴉啼斷煙中柳。茅屋蕭蕭連甕牖。半檐寒旭閒清晝。歸路梅花香滿袖。詩未就。青山笑我空回首。

太常引

速可行治具

許有壬

小齋瀟灑頗宜貧。清有竹。靜無塵。俗子不敲門。只風月煙霞是鄰。古瓶清雅。寒梅疏瘦。昨雨忽紛紛。尚有一枝春。快報與南廳主人。

憶秦娥

許有壬

山雞唱。少年中夜心悲壯。心悲壯。世間何事。不來眉上。迷途未遠奚惆悵。五湖煙水春搖蕩。春搖蕩。誰知平地。拍天風浪。

憶秦娥

送牛農師二首

許有壬

春山碧。詩成馬上應相憶。應相憶。盧溝橋畔。晚雲如織。人生有別休多惜。但悲後會知何日。知何日。暮雲心緒。斷鴻消息。

又

長安陌。東風楊柳花如雪。花如雪。青條無數。爲君攀折。少年剛道輕離別。臨歧未信心如鐵。心如鐵。舊懷新恨。滿梁殘月。

如夢令

許有壬

有淚綠窗偷灑。有恨錦牋難寫。消瘦不勝春。玉骨都無一把。風雅風雅。正值文君新寡。

摘紅英 春雨惜花 張翥

鶯聲寂。鳩聲急。柳煙一片梨雲溼。驚人困。教人恨。待到平明。海棠應盡。青無力。紅無迹。殘香賸粉那禁得。天難準。晴難穩。晚風又起。倚闌爭忍。

惜分飛 寫夢 張翥

相見。依然人似舊。比似年時較瘦。笑問平安否。不言低掩羅衫袖。便欲窗前推枕就。無奈紅傷綠慙。驚起空回首。半牀斜月。疏鐘後。

朝中措 湖堤晚歸望葛嶺諸山倒影水中昔趙文敏公常欲畫此故及之 張翥

梅花處處滿枝開。酒力蕩吟懷。煙染藏鴉萬縷。東風扶起春來。幽禽啼樹。戲魚跳日。水碧如苔。若箇仙翁畫得。翠微倒影樓臺。

菩薩蠻 張翥

郎情秋後蕭疏葉。妾心陌上悠揚蝶。何處望歸鞍。春雲山外山。梨花新月下。

獨自燒香罷。惟有夢相尋。驚鳥啼夜深。

點絳脣

舟行書見

張翥

翥

風起雲飛。蘭舟競入橫塘住。惱人何處。隔岸花籠霧。一水盈盈。難送淩波步。空相覷。正如牛女。隔斷銀河路。

如夢令

張翥

月似二年前。好人比二年前。老。今夕又鯨川。但欠酒杯傾倒。聞道。聞道。三徑漸荒。秋草。

憶秦娥

趙雍

春寂寂。重門半掩梨花白。梨花白。芳心如醉。暗思當日。金釵欲墮烏雲側。佳人望斷天涯客。天涯客。今年又過。清明寒食。

攤破浣溪沙

趙雍

春草萋萋綠漸濃。梨花落盡晚來風。試問相逢何處好。小樓東。朱箔影移無限恨。玉簫聲轉曲將終。獨倚闌干誰是伴。月明中。

蝶戀花

趙雍

枝上流鶯千轉巧。好夢方成。又把人驚覺。臨鏡慵妝眉淡掃。羅衣寬盡腰肢小。別久啼多音信少。應是嬌波。不似當年好。簾捲東風深院悄。落紅滿地成芳草。

南鄉子

趙雍

別久漸生愁。知有音書苦未收。此際多情應盼我。凝眸。帶得啼痕上小樓。舉止忒風流。只在城南綠水頭。咫尺藍橋重欲見。無由。兩地相思甚日休。

燭影搖紅

趙雍

新綠成陰。落紅如雨春光晚。當年誰與種相思。空羨雙飛燕。寂寞幽窗孤館。念

同遊芳郊秀苑香塵隨。馬細草承輪都成腸斷。別久情深。幾時重約閒庭院。
高樓終日捲珠簾。極目愁無限。莫恨藍橋路遠。有心時終須再見。休教長怨。鏡
裏孤鸞。篋中團扇。

行香子

京山道中

宋 駉

竹院松庭。犬吠雞鳴。被田家畫出昇平。園林掩映。鞍馬經行。悵暮天低。寒日澹。
曉風輕。浮世浮名。役使神形。霎時間鬢變星星。不憂不懼。無辱無榮。愛水邊
漁林下隱。隴頭耕。

南鄉子

過王景逸溪居

謝應芳

四野接平蕪。一曲清溪似畫圖。燕子日長溪館靜。菰蒲。風灑軒窗暑氣無。
林
叟話樵蘇。相送東橋日已晡。啼鳥不知人禁酒。葫蘆。教我提來那處沽。

點絳脣

和林韻

謝應芳

往古來今。何人不道閒居好。忙多閒少。應被青山笑。
蒲柳衰顏。我獨驚秋早。
茅齋小。幾番掀倒。風雨都溼了。

鵲橋仙 寄汪南軒 謝應芳

青年去了。青衫破了。舊日青氈無了。一時清興未能除。說與故人知道。
春花。春好。秋花秋好。每日看花尤好。人生活酒買花錢。消得杖頭多少。

蝶戀花 杏莊爲莫景行題 凌雲翰

一色杏林三百樹。茅屋無多。更在花深住。旋壓小槽留客醉。舉杯忽聽黃鸝語。
醉眼看花花亦舞。風捲殘紅。飛過鄰牆去。恰似牧童遙指處。清明時節紛紛雨。

歷代白話詞選

明詞

劉基

月滿江城秋夜長。西風吹不斷。桂花香。碧天如水露華涼。人難見。有淚在羅裳。
何許雁南翔。堪憐一片影。落瀟湘。百年身世費思量。空回首。故國渺蒼茫。

徐宗周

水北幽居抱柴門。一溪寒玉。山萬疊。青林當戶。白雲連谷。乳燕落紅春又晚。柴
桑三徑多松菊。喜新晴。布穀又催耕。秧分綠。牀頭酒。何時熟。謀諸婦。明朝漉。
漫黃雞炊黍。共邀鄰曲。舊夢風雲銷俠氣。繁華看破。知榮辱。繫扁舟。罷釣晚歸。
來書還讀。

憶秦娥 劉昂

溪頭柳。青青折贈行人手。行人手。最傷心處。西風重九。陽關一曲長亭酒。停鞭欲去仍回首。仍回首。少年離別。老來依舊。

轉應曲 姚廣孝

斜日斜日。門外馬蹄聲疾。林棲鳥盡飛還。霞彩紅銜遠山。山遠。山遠。莫怪行人歸晚。

如夢令 咏石徑 張肯

庭掩塵蹤淨悄。雨長苔痕繚繞。行處不妨花。容我醉眠偏好。休掃。休掃。待積落紅多少。

浪淘沙 王越

遠水接天浮。渺渺扁舟。去時花雨送春愁。今日歸來黃葉鬧。又是深秋。聚散

兩悠悠。白了人頭。片帆飛影下中流。載得古今多少恨。都付沙鷗。

阮郎歸 夏 鏃

賭酒明湖未放船。時節欲開蓮。壁後茶鐙幾點煙。聽雨小窗眠。雲解凍。水平田。蛙聲又一年。晚晴花草落愁邊。呼童問酒錢。

烏夜啼 梅雨 楊 慎

雨來江漲波渾。沒沙痕。淹過竹橋莎徑。到柴門。孤煙起。千樹裏。幾家邨。牛背一聲長笛報黃昏。

卜算子 文徵明

酒醒夜堂涼。雨過湘簾捲。時見流螢度短牆。乍近依然遠。欲睡更遲徊。徒倚闌干徧。不覺西樓闕月斜。寂寞桐陰轉。

長相思 李攀龍

秋風清。秋月明。葉葉梧桐檻外聲。難教歸夢成。
砌蛩鳴。樹鳥驚。塞雁行行天際橫。偏傷旅客情。

漁父詞 文彭

吳淞江上是儂家。每到秋來愛荻花。眠未足。日先斜。妻笑船頭看落霞。

謁金門 邵圭潔

江草碧。又見一年寒食。風雨落花春可惜。捲簾人獨立。
十里青山咫尺。兩岸綠楊如織。酌酒賦詩俱未得。浪將光景擲。

虞美人 吳邦楨

西溪十里漁村路。猶記看梅處。暗香疏影最關情。更憐雪外一枝橫。雨初晴。
而今別去梅花久。梅好應如舊。風霜媿我漸蒼顏。長教老鶴怨空山。幾時還。

如夢令 王世懋

枝上子規猶鬧。門外碧梧誰掃。病起不禁秋。倚盡小樓殘照。寒峭寒峭。一夜白蘋天老。

如夢令 陳淳

吟罷小池楊柳。酌盡玉壺春酒。水面正風來。吹亂一天星斗。消瘦消瘦。愁在憑闌時候。

攤破浣溪沙

陳繼儒

梓樹花香月半明。棹歌歸去草蟲鳴。曲曲柳灣茅屋矮。挂魚簾。笑指吾廬何處是。一池荷葉小橋橫。修竹。紙窗。燈火裏。讀書聲。

玉樓春

李日華

輕暖輕寒無意緒。朝來幾陣梨花雨。妝成獨自倚闌干。暗數落紅愁不語。杜宇一聲人欲去。殘雲片片依沙渚。橫塘十里柳煙濃。維舟正在煙深處。

減字木蘭花 阮大鍼

春光漸老。流鶯不管人煩惱。細雨窗紗。深巷清晨賣杏花。眉峯雙蹙。畫中有箇人如玉。小立簷前。待燕歸來始下簾。

一斛珠 王坊

翻空紅雨。多隨春信紛紛去。萬千綠葉無情緒。連夜生新。占盡花開處。一霎辭根無定所。傷心紅粉成黃土。憐香只有鶯啼樹。似勸東風。略做些兒主。

菩薩蠻 施紹莘

春深加倍心情惡。慵歌嬾笑梳妝薄。獨自掩窗紗。鶯啼訴落花。夢回剛拭淚。偷立秋千背。風起亂紅飛。不知雙淚垂。

憶王孫 葛一龍

春風吹後滿天涯。繫馬高樓春日斜。歸夢悠揚隔柳花。不如他。一路青青直到

家。

虞美人

韓會駒

落花不爲隨春去。別有閒情緒。尋花偶過野人家。偏是菜花開盡見桃花。無
情每恨良宵月。圓少翻多缺。上弦數到下弦時。問有幾多明月上花枝。

花非花

計南陽

同心花。合歡樹。四更風。五更雨。畫眉山。上鷓鴣啼。畫眉山。下郎行去。

西江月

秋興

程

醉

盡日荷鋤治圃。有時捉杖尋泉。山翁招我坐橋邊。笑指菊花開遍。隔岸重重
竹樹。近溪點點潭煙。灘頭流下小魚船。轉過蘆花不見。

如夢令

九月晦日尙未得歸

秦瀚先

亭外桂花香滿。秋入芙蓉過半。衰柳不禁風。黃葉亂飄無限。目斷。目斷。愁望故

鄉偏遠。

醉花陰

邵梅芳

病起閒愁消永晝。香鈕鬆金扣。時節近清明。燕子雙來。翠幄輕寒透。杏花新
雨池塘後。莫道春依舊。昨夜更東風。一樹海棠。零落胭脂瘦。

菩薩蠻 送春 倪撫

年年白放春歸去。無端又是風和雨。倦態不成妝。春宵恨轉長。一燈紅夜午。
城上聞更鼓。魚鑰鎖雙扉。愁他夢裏歸。

浪淘沙

新秋 劉碧

昨夜雨絲絲。寒澀燈煙。薄衾倦擁不成眠。曉起牀頭看曆日。換了秋天。桐樹
小庭偏。碧蔭爭圓。教他知道也淒然。最是西風消息早。一葉堦前。

攤破浣溪沙

項蘭貞

淅淅寒風撼玉鈎。起來斜日照紅樓。簾外一聲鸚鵡喚。喚梳頭。花發小春情脈脈。笛吹長夜恨悠悠。多少淚珠彈不斷。倩誰收。

搗練子

商景蘭

長相思。久離別。爲誰憔悴憑誰說。卷簾貪看月明多。斜風恰打銀缸滅。

蝶戀花

葉執紉

盡日重簾垂不捲。庭院蕭條。已是秋光半。一片閒愁難自遣。空憐鏡裏年華換。寂寞香殘門半掩。脈脈無端。往事思量遍。正是銷魂腸欲斷。數聲新雁南樓晚。

蝶戀花

黃鴻

著意留春春不許。一陣東風。吹落花無數。記取等閒花落處。重游怕是桃源路。門外青絲垂日暮。偏惹離腸。不繫征帆住。兩兩畫梁新燕語。雙飛又入花間。

去。

憶秦娥

王微

多情月。偷雲出照無情別。無情別。清輝無奈。暫圓常缺。傷心好對西湖說。湖光如夢湖流咽。湖流咽。離愁燈畔。乍明還滅。

憶秦娥

景翩翩

秋蕭索。西風一夜吹香閣。吹香閣。挑燈獨坐。半垂簾幕。滿階明月梧桐落。滿窗涼露吳衫薄。吳衫薄。菱花閒對。鬢雲斜掠。

歷代白話詞選

清詞

如夢令

吳偉業

小閣焚香閒坐。撼撼紙窗風破。女伴有誰來。管領春愁一箇。無那。無那。斜壓翠衾還臥。

三字令

李 麟

愁倚戶。夕陽斜。憶天涯。春去也。在誰家。燕營巢。蜂釀蜜。總堪嗟。人不到。見歸鴉。掩窗紗。開復落。刺桐花。酒漂零。香冷淡。負年華。

攤破浣溪沙

西溪訪陸處士作

宋 琬

三月楊梅正作花。板橋敲側俯晴沙。閒覓柴門無路徑。柳陰遮。燕子匆忙營

故壘蜂兒辛苦坐官衙。問著山翁都不識。野人家。

清平樂 閨詞 曹爾堪

眉痕頻皺。不似東風舊。欺盡孤眠寒更透。生得腰肢原瘦。
梨花靜掩長門。尋常過幾黃昏。魂向當初銷盡。如何又說銷魂。

南歌子

張淵懿

篆冷香魂去。花輕月影添。夜闌寒色滿重簷。剛是小鬟低語下珠簾。

漁家傲 東昌道上 張淵懿

野草淒淒經雨碧。遠山一抹晴雲積。午睡覺來愁似織。孤帆直。游絲繞夢飛無力。
古渡人家煙水隔。鄉心繚亂垂楊陌。鴻雁自南人自北。風蕭瑟。荻花滿地秋江白。

菩薩蠻 迷藏 王士正

玉蘭花發清明近。花間小蝶黏香鬢。邀伴捉迷藏。露微花氣涼。花深防暗邏。潛向花陰躲。蟬翼惹花枝。背人扶鬢絲。

行香子 離情 丁滢

纔住香車。忽過平沙。片時間人遠天涯。今宵好夢。何處尋他。但一更鐘。三更雨。五更鴉。愁對飛花。怕見殘霞。別離情付與琵琶。斷魂江上。吹落誰家。正夢兒來。燈兒暈。枕兒斜。

清平樂 春愁 毛際可

落花時節。和淚飄紅雪。畢竟淚流無斷絕。不似飛花先歇。春愁百計難醫。天涯隔斷相思。除是花長不謝。與伊同撚花枝。

賣花聲 秋夜 曹貞吉

風緊紙窗鳴。秋氣淒清。淡雲籠月未分明。雨點疎如殘夜漏。滴到三更。孤枕

夢難成。怕聽聲聲。一天黃葉雁縱橫。搔首自憐霜滿鬢。又喚愁生。

清平樂 村居 陸世楷

三間茅屋。屋後蕭蕭竹。更喜柴門臨水曲。隔岸柳絲垂綠。午餘一枕匡牀。醒來聽外斜陽。犢子驅過短堰。鵝兒浴起方塘。

相見歡 陸棼

碧桃落盡前溪。杜鵑啼不喚。離人歸也。喚春歸。非干病。不關醉。是思伊。幾度夢中相見。又還非。

青玉案 陸棼

朱藤碧草南園路。早樓外斜陽暮。當日橋邊曾一顧。微波頻送。輕羅徐舉。總是相憐處。追思往事都成誤。又聽黃鸝送春去。淚灑花梢渾似雨。柔情流水。佳期飛絮。空把年華度。

浣溪沙

紅橋卽事同阮亭作

劉梁嵩

綠樹陰濃露酒家。小廊迴合引停車。銀箏嬌倚杏兒紗。水調歌頭聲未了。曲闌干外月光斜。聲聲渡口賣荷花。

釵頭鳳 冬閨 吳綺

燈花滴。鑪香熄。屏風靜掩遙山碧。簫誰弄。衾長空。五更簾幙。月和霜重。凍凍凍。閒尋覓。無消息。淚痕冰惹紅綿溼。愁難送。情還種。巫雲昨夜。同騎雙鳳。夢夢夢。

蘇幕遮 春閨 高士奇

陌柳長。池波皺。年去年來。只有春依舊。怕理羅衫寒欲逗。雨雨風風。做出清明候。糝。藤。燕。函。豆。蔻。一種閒情。慣惹人消瘦。忽憶花陰初見後。半晌無言。只把鴛鴦繡。

望江南 鄒宏志

江南好。冬暖愛農家。村店板橋饒竹葉。紙窗茅屋種梅花。枯樹亂棲鴉。

采桑子 性德

而今才道當時錯。心緒淒迷。紅淚偷垂。滿眼春風百事非。情知此後來無計。強說歡期。一別如斯。落盡梨花月又西。

賀新郎 寄吳漢槎寧古塔以詞代書 顧貞觀

季子平安否。便歸來。生平萬事。那堪回首。行路悠悠誰慰藉。母老家貧子幼。記不起。從前杯酒。魑魅擇人。應見慣。料輸他。覆雨翻雲手。冰與雪。周旋久。淚痕莫滴牛衣透。數天涯。依然骨肉。幾家能勾。比似紅顏多薄命。更不如今。還有只絕塞。苦寒難受。廿載包胥承一諾。盼烏頭馬角終相救。置此札。君懷袖。

又

我亦飄零久。十年來深恩負盡。死生師友。宿昔齊名非忝竊。試看杜陵消瘦。曾不減夜郎僂僂。薄命長辭知己別。問人生到此淒涼否。千萬恨。爲兄剖。兄生辛未我丁丑。共此時。冰霜摧折。早衰蒲柳。詞賦從今須少作。留取心魂相守。但願得河清人壽。歸日急翻行戍稿。把空名。料理傳身後。言不盡。觀頓首。

蝶戀花

沈三曾

風雨一天晴未得。芳草菲菲。早過清明節。多事東風吹不歇。梨花處處飄如雪。曉夢方濃誰喚急。卻是呢喃。低向幽人說。無計留春春欲別。來年再問春消息。

點絳脣

送春

毛奇齡

惱殺啼鶉。逢人還道春歸去。留人不住。誰要留春住。花絮茫茫。萬點愁人緒。歸何處。春歸無路。莫是人歸路。

一葉落 朱彝尊

淚眼注臨窗。去此時欲住已難住。下樓復上樓。樓頭風吹雨。風吹雨。草草離人語。

憶少年 朱彝尊

一鈎斜月一聲新雁。一庭秋露黃花初放了。小金鈴無數。燕子已辭秋社去。賸香泥舊時簾戶。重陽將近也。又滿城風雨。

釣船笛 李符

春漲一溪渾。來往紫萍漂處。撐過桃花樹底。滿青蓑紅雨。小橋平溜總無波。船尾不須櫓。隨意溪南溪北。任香風吹去。

攤破浣溪沙 陸次雲

池館春深柳數行。風搖蕪水皺清光。忽聽雪衣籠內說。晝初長。新筍成竿過

舊竹。低花飛片出高牆。此際那堪人獨自。看鴛鴦。

一痕沙 懷潘臨州 趙維烈

記得君行春暮。三度落花飛絮。莫道不相思。雁來時。雁到曾傳芳信。只是歸期難問。極北望燕關。隔雲山。

千秋歲 旅夜 沈豐垣

客庭遙夜。懶聽秋蟲話。眠未得。愁還惹。芭蕉疎雨滴。楊柳輕烟掛。鴻影過碧天。露冷秋如畫。風透紗窗罅。搖曳殘燈地。又戍鼓。敲初罷。夢回青瑣閣。淚在紅羅帕。人欲起。萬山曉月聞嘶馬。

蘇幕遮 牛日啟

白雲來。紅日去。暮暮朝朝。幾度流光曙。家在天津城外住。畫鼓樓船。總是傷心處。杏花溪。楊柳渡。野水寒烟。夢斷前村路。曾記年時遊別浦。一片黃蘆。飛出

去。

憶秦娥 王微

多情月。偷雲出照無情別。無情別。清輝無奈。暫圓常缺。傷心好對西湖說。湖光如夢湖流咽。湖流咽。離愁燈畔。乍明還滅。

憶秦娥 景翩翩

秋蕭索。西風一夜吹香閣。吹香閣。挑燈獨坐。半垂簾幕。滿階明月梧桐落。滿窗涼露吳衫薄。吳衫薄。菱花閒對。鬢雲斜掠。

秋暮秋暮。衰柳寒潮古渡。晚風許我船歸。細雨蘆花雁飛。雁飛雁飛。雁飛雁。江上琵琶聲斷。

醉花陰

徐允哲

峭寒吹雨和風驟。花落苔成繡。把酒對芳園。枝上鶯聲。啼過清明候。惜春無計當春晝。梅子青如豆。記得去年時。簾幙重重。有箇人消瘦。

轉應曲

陳見鐘

楊柳楊柳。綠遍春江渡口。風前旋舞腰支。管盡人間別離。離別離別。離別飛絮漫天如雪。

好事近

沂水道中

龔翔麟

極目總悲秋。衰草似黏天末。多少無情煙樹。送年年行客。亂山高下沒斜陽。夜景更清絕。幾點寒鴉風裏。趁一梳涼月。

生查子 吳江遇風舟中望震澤 龔翔麟

風急布帆偏。半幅撐秋雨。乍聽榜人喧。已失前村樹。
渺渺望湖波。萬頃迷煙霧。猶自有漁舟。煙裏飛來去。

青玉案 馮瑞

芙蓉露染輕紅透。正寂寞、黃昏後。斜月小樓人在否。
夜涼風緊。暗蟲淒切。牕隙燈光漏。尋常行處多依舊。只往事、飄零倦回首。
况復心傷隨物候。數聲哀雁。半庭殘葉。早又黃花瘦。

憶王孫 秋怨 狄億

秋風一夜滿天涯。幾樹丹楓葉作花。漫倚高樓對落霞。
不歸家。又見橫空雁影斜。

江南好 姚士陞

前路遠。小泊綠楊橋。花港月明人影亂。玉樓風細笛聲高。獨客夜無聊。

菩薩蠻

焦袁熹

盈盈步襪花陰裏。低頭不省釵兒墜。記得別伊時。柳條千萬絲。天涯知甚處。飛絮狂如許。昨夢已朦朧。一年春又空。

小重山

送張砥中北上

高式青

雲樹蒼茫日欲昏。不須斟別酒。已消魂。大江滾滾浪如銀。扁舟去。一葉渺無痕。何事便輕分。西湖秋色好。桂花新。題詩應念舊同羣。京華路。十丈馬頭塵。

蝶戀花

范纘

狼藉梨花飄冷雨。月上牆頭。深夜無人語。尋到碧窗塵鎖處。簫聲一陣風吹去。倚徧橫闌無意緒。百蝶春衫。淚溼黃金縷。喔喔寒雞啼不住。曉星移上西冷樹。

相見歡

周稚廉

小鬟衫著輕羅。髮如螺。睡起釵偏髻倒。喚娘梳。
心上事。春前景。悶中過。打疊閒情別緒。教鸚哥。

蘇幕遮

潘雲赤

五更初。三月暮。牕內人愁。牕外風吹雨。惆悵落花誰作主。杜宇無聲。已到消魂處。夢難憑。情怎訴。脈脈幽歡。祇恁輕孤負。金鴨香消。人獨語。煙樹江邨。屏上相思路。

蝶戀花

徐昌薇

長日茫茫飛柳絮。池館淒涼。獨自閒凝竚。枝上杜鵑啼不住。夕陽影裏微微雨。簾外春山山外樹。一望青青。迷卻天涯路。多少閒愁無可訴。卻看雙燕銜花舞。

如夢令 許田

春夜小樓寒重。花插膽瓶香凍。燭淚串紅珠。透入月痕窗縫。如夢。如夢。何處曉鐘吹送。

烏夜啼 許田

清明小雨如絲。姊歸啼。不道落紅如許。踏成泥。塔影溼。樹陰碧。倚樓時。細細一灣流水。曲通池。

江城子 客當湖枕上偶成

戴錡

日移花影兩三重。淡和濃。上簾櫳。爭鬧園林。紫蝶竝黃蜂。有箇人兒心上事。無處說。怨春風。青山坐在可憐中。水溶溶。草茸茸。都是無情。不比別時同。一寸柔腸千萬恨。春去也。鎖眉峰。

望江南 青溪卽事 邵峴

青溪好。小暖及春晴。社鼓遠敲村裏寺。紙鳶斜颺夜深燈。天氣未清明。

又

青溪好。雨過晚涼移。末麗花毬簪綠鬢。芭蕉扇子縛紅絲。閒立後門時。

又

青溪好。雅事趁時新。雙鈕瓷盆藏蟋蟀。鬪花小袋貯鷓鴣。約伴又登臨。

憶秦娥 冬閨 程夢星

黃昏後。錦衾繡褥香熏透。香熏透。淒涼今夜。獨眠還又。巡檐且摘梅花嗅。闌干凭處同消瘦。同消瘦。生憎霜月。照人依舊。

蝶戀花 戊申春暮城東周氏小園池上作 厲鶚

三月風顛吹斷柳。何況薔薇。落處依苔厚。折得一枝花在手。戴花人尙平安否。行徧回塘銷永晝。水影蘋香。只是侵襟袖。杜宇數聲春欲瘦。斜陽豔豔醺如

酒。

浪淘沙

毛 健

簷外雨瀟瀟。粧點無聊。聲聲滴向不眠宵。賴是階前春意淺。未放芭蕉。窗紙
一條條。風又飄搖。半昏燈檠被香銷。者段淒涼無處著。寄在梅梢。

十六字令 促織 王 策

愁。草際淒淒訴不休。良夜永。織就一庭秋。

南鄉子 王 策

日影紅檐。蜻蜓翼薄柳花黏。隔院鸚哥眠白晝。東風瘦。時節落花人病酒。

玉連環影 雨 王 策

花。絲雨。日日愁千縷。溼盡闌紅。又溼籠鸚羽。翠簾斜。繡牀遮。香膩輕綃。人嬾似楊

天仙子 曉發尙湖 王 策

遠樹驚鳥飛不定。煙中漸吐青山影。犬聲荒店未開門。西風緊。霜華凝。半湖殘月。蘆花冷。

虞美人 晚春 王 策

落紅鋪滿樓前路。淚也無彈處。雨停得意鶉鴣聲。只恐殘陽難作幾時明。隔溪斷續連山屋。萬樹濃堆綠。可能容我岸烏巾。做箇晚花幽草畫中人。

臨江仙 王 策

詩思燈前來草草。被風吹去三分。推窗獨自倚黃昏。牆低通竹影。枝暗失花痕。好是小簾斜月地。無端憶夢懷人。玉梅花底淡黃裙。相逢曾半醉。一別竟殘春。

惜分飛 吳 焯

黃鳥陰陰交接語。一帶斜塘烟樹。正是消魂處。梨花雪盡楊花絮。留得春爲
花事主。春又風風雨雨。花也難留住。空閨題徧傷心句。

望江南

游苕溪道場山

金肇燮

道場寺。寺在道場巔。花外午餘逢破衲。佛前香燼賸殘煙。屋角過流泉。

又

道場寺。夾道竹林遮。好向山家挑晚筍。漫隨僧舍試新茶。微雨返輕槎。

蝶戀花

晚景

鄭燮

一片青山臨古渡。山外晴霞。漠漠收殘雨。流水遠天波似乳。斷煙飛上斜陽去。
徙倚高樓無一語。燕不歸來。沒箇商量處。鴉噪暮雲城堞古。月痕淡入黃昏
霧。

浪淘沙

暮春

鄭燮

春氣晚來晴。天澹雲輕。小樓忽灑夜窗聲。臥聽瀟瀟還淅淅。溼了清明。節序太無情。不肯留停。留春不住送春行。忘卻羅衣都溼透。花下吹笙。

賀新郎 贈王一姐 鄭燮

竹馬相過日。還記汝雲鬢覆頸。胭脂點額。阿母扶攜翁負背。幻作兒郎粧飾。小則小。寸心憐惜。放學歸來猶未晚。向紅樓存問春消息。問我索畫眉筆。廿年湖海長爲客。都付與風吹夢杳。雨荒雲隔。今日重逢深院裏。一種溫存猶昔。添多少。周旋形迹。回首當年嬌小態。但片言微忤。容顏赤。只此意最難得。

賀新郎 落花 鄭燮

小立梅花下。問今年暖風未破。如何開也。不是花開偏怨早。總爲早開先謝。被斷雨零煙飄灑。粉蝶游蜂誰念舊。背殘枝飛過秋千架。只落得蛛絲掛。江南二月花擡價。有多少遊童陌上。春衫細馬。十里香車紅袖小。婉轉翠眉如畫。伴

不解傍人覩。忽見柳花飛亂絮。念海棠春老誰能嫁。淚暗溼香羅帕。

菩薩蠻 留春 鄭燮

留春不住。由春去。春歸畢竟歸何處。明歲早些來。煙花待剪裁。雪消春又到。春到人偏老。切莫怨東風。東風正怨儂。

菩薩蠻 留秋 鄭燮

留春不住。留秋住。籬菊叢叢霜下護。佳節入重陽。持螯切嫩薑。江上山無數。何處登高去。松徑小山頭。夕陽新酒樓。

謁金門 查梅壑晚村歸鴉 馬日璐

孤村遠。流水小橋秋晚。木葉無多霜欲染。昏鴉飛數點。想見野情蕭散。獨立斜陽數遍。待得寒風翻雪片。柴門依舊掩。

謁金門 晚樹歸鴉 陳章

天欲暮。流水板橋村塢。背閃殘陽來又去。斷雲遮不住。幾杵山鐘歸路。倚杖柴門閒數。一霎無聲投那處。隔溪黃葉樹。

醜奴兒令 春日淳川招往湖上不赴 張四科

玉梅花下晴光嫩。散了茶煙。開了冰弦。好箇傷春病酒天。提壺幽鳥空相喚。夢繞湖邊。愁到尊前。自愛斜陽枕手眠。

釣船笛 吳煇

霜月落孤篷。人在蘆花深處。風細水紋吹皺。飛半江殘絮。晚潮初上響船頭。蕪入蓼汀去。菰飯夜來炊罷。伴一灘鷗鷺。

城頭月 中秋雨夜書家信後 蔣士銓

他鄉見月猶淒楚。天氣偏如許。一院蟲音。一聲更鼓。一陣黃昏雨。孤鐙照影無人語。默把中秋數。荏苒華年。更番離別。九載天涯度。

漁家傲 九日喜晴登鳳凰山 彭光斗

九日年年風復雨。天教破例勾除去。潑眼睛光遮不住。吾誰侶。湖山好做登高主。紫菊丹楓俱照路。僧樓倚遍頻延佇。漠漠蘆花翻遠渚。斜陽渡。背人冷雁投何處。

鳳棲梧

吳泰來

江梅吹盡紅樓閉。楊柳多情也爲春憔悴。燕子來時人未起。梨花小雨重門裏。夢斷青溪傷往事。桃葉桃根多是淒涼意。一點相思誰與寄。羅襟留得東風淚。

賣花聲

滬城旅思

吳泰來

風雨送扁舟。回首紅樓。傷春傷別幾時休。昨夜濃香今夜夢。多是離愁。楊柳小灣頭。煙水悠悠。歸心空望白蘋洲。只有春江知我意。依舊東流。

醉江月

王文治

春將歸去。問若箇留得春光且住。天縱憐春。怎能禁一片催花風雨。把酒臨風。拈毫對月。有箇商量處。才人補恨。舫齋爲製新句。試看舫外煙波。舫中書畫。常得春來趣。論世懷人瞬息耳。閱盡無端今古。春鳥啾啾。春溪活活。似對春風語。扁舟任意。柳陰撐出前渚。

清平樂

儲祕書

曲闌干畔。葉葉清陰亂。雨過小池風滿院。別樹蟬聲欲斷。幾叢茉莉香清。心
情分付桃笙。何處恰宜小睡。水窗涼月初生。

酷相思

吳淞雨發

趙文哲

草草一尊臨欲去。頻執手。渾無語。看幾陣東風催日暮。酒醒也。人何處。夢醒也。人何處。短棹蓼蓼搥畫鼓。咫尺天涯路。但一種淒涼須記取。小樓也。瀟瀟雨。

小舟也。瀟瀟雨。

憶蘿月

吳省欽

鑪薰被暖。好夢和春短。夢又不來人又遠。月上梨花小院。更更更漏沈沈。無眠低枕橫琴。纔是瞢騰倚睡。牕前蚤喚山禽。

西子妝

陳嵒

好夢如春。好春如夢。待與箇人分判。一年心事賣花聲。最消魂樓高天遠。遊絲自懶。又何苦東風拘管。燕子來時。問幾家簾下。幾家簾捲。瓊簫斷。半楊芸籤。忍把流光換。畫闌一帶碧。無情是年時。聽鸝池館。冶遊醉伴也。休要壚頭驚喚。過清明。庭樹無人翠滿。

采桑子

桐廬舟中

陶元藻

浮家不畏風兼浪。纔罷炊烟。又裊茶烟。閒對沙鷗枕手眠。晚來人靜禽魚聚。

月上江邊。纜繫灘邊。山影松聲共一船。

點絳脣

黃景仁

宿酒初醒。閒情如水和腸軟。細雨三更。簾外春陰捲。
一樹梅花。落向閒庭院。無人管。冷風過處。點點春愁糝。

點絳脣

黃景仁

瘦骨無情。年年此際慊慊病。小立風前。討箇傷春信。
淡月微雲。作出春宵景。斜還整。斷無人處。正字闌干影。

鵲橋仙

吳蔚光

杏花开過。桃花開過。將近棟花開矣。分明二十四番風。把無數暗愁吹起。
綵毫慵搦。珠簾懶捲。惟有小闌干泥。黃昏時節最傷春。看滿地月華如水。

鵲橋仙

吳蔚光

春花春草。春雲春雨。更是春風雙燕。江南何處不相思。怎禁得九回腸斷。夢
殘如月。愁多似水。獨上高樓難見。夕陽山外。又青山人卻比青山還遠。

蝶戀花

吳蔚光

粉蝶不知春已去。獨自飛來。猶傍花枝舞。枝上花開餘幾許。荼蘼小折薔薇吐。
一角畫廊人立處。最是情多。難向東風訴。吹上滿衣新柳絮。碧雲無盡天涯
暮。

卜算子

雁用東坡韻

余旻

獨自倚南樓。遠寺鐘初定。樹杪疎星幾點寒。掠過飛鴻影。
風物又驚秋。舊事
回頭省。夢斷江湖信又沉。是處蘆花冷。

清平樂

陳逢堯

吟香句裏。多少愁滋味。憔悴玉人眠未起。鋪地月痕如水。
幾番消息無憑。曉

風楊柳啼鶯。鶯驚碎一簾花影。移燈立盡銀屏。

清平樂

沈清瑞

鴛鴦眠盡。湖水如圓鏡。笑入荷花風不定。畫槳劃開萍影。短簫吹過紅橋。柳陰陰處烟高。歸去輕衫半溼。橫塘暮雨瀟瀟。

玉樓春

獨夜

余鵬翀

荒邨盡處多時立。殘夜暗風吹冥色。無僧古屋一燈青。落月平原千樹黑。重來誰記江南客。自繞蒼苔尋履跡。無端影墮碧溪邊。一片寒蘆秋瑟瑟。

清平樂

金翀

樽前花底。多少相憐意。一曲驚鴉飛又起。小院月華如水。東風暗送歸潮。淚痕溼透鮫綃。地日重來記取。門前第五紅橋。

一翦梅 意有所觸輒成一詞美人芳草不無寄託之辭商婦琵琶惟以悲哀為主 俞樾

記得春遊逐管絃。紅板橋邊。白板門前。閒花野草爲誰妍。蜂也喧喧。蝶也翩翩。風月何嘗負少年。花底歌筵。柳外吟鞭。而今回首總淒然。舊事如煙。舊夢如仙。

醉花陰

詠自鳴鐘

俞樾

軋軋聲中昏又曉。暗運機關巧。簾幙寂無人。忽聽丁冬。幽夢驚回悄。金鍼鎮日冰輪繞。旋轉何時了。莫道不銷魂。聽取聲聲。只是催人老。

踏莎行

沈祥龍

楊柳樓臺。鞦韆院宇。消魂卻在無人處。開簾只有燕歸來。呢喃故傍愁邊語。香徑紅堆。閒庭綠聚。春光背我偷回去。剛成好夢到天涯。夜闌打斷瀟瀟雨。

酷相思

王詠霓

遠道當歸歸更遠。空記取。那庭院。便屈指流光今幾換。去時也。春將半。來時也。

秋將半。一日思量千萬遍。夢裏將名喚。儘疏雨打窗吹不斷。儂病也無人管。卿病也何人管。

望海潮

自題小影

譚嗣同

曾經滄海。又來沙漠。四千里外關河。骨相空譚。腸輪自轉。回頭十八年過。春夢醒來波。對春帆細雨。獨自吟哦。惟有瓶花數枝相伴。不須多。寒江纔脫漁蓑。臙風塵面貌。自看如何。鏡不因人。形還問影。豈緣酒後顏酡。拔劍欲高歌。有幾根俠骨。禁得揉搓。忽說此人是。我。睜眼細瞧科。

一翦梅

周寶

絲絲垂柳路三叉。風也敲斜。日也敲斜。波光草色綠無涯。春到兒家。郎住誰家。天南地北事舟車。拋盡年華。消盡才華。自彈哀怨入琵琶。人瘦梨花。命薄桃花。

減字木蘭花 春暮 蒿亭居士

啼鶯婉轉似惜落紅。春不管。但替花愁。那管愁人白了頭。
楊花榆莢攪亂春光。九去八一分殘。春及早花前醉幾巡。

憶王孫 侯承恩

遠客長途孤寺秋。天寒少箇寄書郵。况兼風雨又綢繆。恨悠悠。一點鳴牕一點愁。

踏莎行 葛宜

花撲重簾。雲生遠樹。倚樓望斷人歸路。卻憐檻外雨和風。殘紅一夜飄無數。
新燕初飛。乳鴉拂羽。歸來已是芳菲暮。晝長漸近困人天。春來春去傷心處。

蝶戀花 夜雨 張學雅

門掩蒼苔春寂寂。暮雨瀟瀟。隔著窗兒滴。小院黃昏人獨立。一雙飛鳥歸棲急。

萬里瀟湘雲霧溼。簾外風聲。疑是吹蘆荻。腸斷梅花和淚泣。還驚夜半高樓
笛。

踏莎行

借嫂游湖浦

喻 燃

畫閣妝餘。東風正早。且閒刀尺聽啼鳥。湖鄉十里趁花開。凌波莫惜鞦韆頭小。
樹裏人家。隄邊芳草。遠山無數橫天表。頻年苦憶故園春。今年始覺江南好。

虞美人影

送春和韻

沈御月

送春春去添煩惱。閒悶何時得了。試看落紅多少。點破階前草。流鶯樹上啼
聲悄。驚破羅幃夢杳。斷送鏡中人老。都爲春歸早。

南鄉子

徐元端

獨坐數歡期。花影重重月影低。無計徘徊思好句。支頤除卻春愁。沒箇題
閒。倚畫樓西。芳草青青失舊隄。猶記當時人去處。依依紅杏花邊。颺酒旗。

柳梢青 寄外 許宜嫻

日殘春暮。年年拋恨。在花間住。一陣東風。梨花如雪。桃花如雨。教人沒箇商量。容易把韶光放去。只恐來時。殷勤問我。春歸何處。

踏莎行 送春 沈湘雲

恰恰鶯啼。喃喃燕語。商量欲倩東君住。茶蘼架外草青青。綠陰如幄遮來處。小夢初醒。斜陽易暮。微行悄步看他去。一溪花瓣水聲長。誰知卽是春歸路。

點絳脣 西湖老僧

來往煙波。此生自號西湖長。輕風小槳盪出蘆花港。得意高歌。夜靜聲偏朗。無人賞。自家拍掌。唱徹千山響。

詩 詞 類

新體評註唐詩三百首	二冊	五角
新體評註宋元明詩三百首	二冊	五角
最淺學詩法	一冊	二角五分
最淺學詞法	一冊	四角
韓昌黎詩集編年箋註	十二冊	三元
王次回疑雲集	二冊	六角
隨園集外詩	二冊	四角
詞話叢鈔	四冊	六角
絕妙近詞	二冊	四角
分類歷代白話詩選	一冊	五角
中國詩學通評	一冊	二角

上海大東書局發行

中華民國十二年六月出版
中華民國十二年六月發行

歷代白話詞選（全一冊）

（每部定價大洋五角）

（外埠酌加郵費匯費）

編輯者

吳興 凌善清

發行者

上海大東書局

印刷者

上海大東書局

上海四馬路中市

總發行所

大東書局

廣州雙門底

分發行所

大東書局

此書版權所有不准翻印

新體
評註

唐詩三百首

一册

五角

學詩

之

階梯

二書為吳興大文學家張虫
 天及黃興洛先生所評註極
 深處演之以極淺之語初學
 讀之自然心領神會評語尤
 能發明作意無一字一語之
 或苟

新體
評註

宋元明詩三百首

一册

五角

上海

大東

書局

發行

國家圖書館



001673798



3:2



籍